

雕

菰

集

一





集 菰 雕
(一)

撰 循 焦

序

曩者、薄游維揚、焦里堂先生出詩相質、攜歸浙中、與一二老輩、傳寫吟諷、無不潏然心服、思慕其爲人、越十七年、復客邗上、先生有才子子曰虎玉、復以詩相質、一再誦之、其心服無異、讀先生詩時也、予惟詩之流派不一端、其要不外乎誠而已、記曰、昔我有先正、其言明且清、詩曰、其風肆好、其詩孔碩、皆言誠也、非可以僞而致也、夫惟忠厚悱惻之誠、蘊積於詩之先者、既深、而後感於物而動、不獨言志述事、可以揚清激濁、風厲末俗、卽流連光景、亦必寄托高遠、有長言之不能盡者、此誠之不可揜、所以入人最深也、雖然、以情緯文、以文被質、又有道焉、序曰、發乎情、止乎禮義、夫發乎情者、衆人所同、而止乎禮義、其功非淺近可至、蓋自風騷以降、作者咸有纏緜眇眇之思、而要其極、則必有持之弗失者、以爲歸宿、易曰、修辭立其誠、言辭之不可苟也、顧世之爲詩者、不究源流之清濁、風旨之芳臭、好爲新奇汗漫之詞、矜能角勝而已、毋乃知發而不知止也歟、君家三十六湖之濱、據水木最勝處、菰蘆千頃、彌望眇然、閉門卻埽、名父子自相師授、視世之翕翕噉名者、若將泯焉、其或懷人感事、托爲詠歌、溫厚篤摯之情、蓄於中者、油然而不能自已、而又持守矜慎、惟恐不合於古、故物疎道親、發興邇而寄意遠、非變而不能成、方者所及也、可謂誠也已矣、君於經學最深、未冠卽博通諸家義疏、闡明三角八綫之法、今更著書述古、爲遠近所宗、嘗惜鄭康成、孔穎達諸儒、經術紛綸、其詩歌無所表見、君以得諸四始五際者、爲之補其闕憾、則又前人所難也、

離滋集序

予讀君詩。既卒業。因推原詩之必本於誠者爲之序。兼以質諸先生。其何以教之。
嘉慶二十年秋八月。既望。吳興徐熊飛拜識。

序

雕菰樓集二十四卷。吾師焦理堂先生所著也。先生博學工詩古文。自少卽與雲臺兄齊名。辛酉科始中鄉魁。僅一會試。場中擬元。久之。榜發被落。年四十外。足不入城。築雕菰樓。以著書自娛。亨時往請業焉。嘗憶乾隆乙卯秋。先生來濟南學署。亨隨侍策騎遊。離華諸山。興會淋漓。頗自翺其弧矢四方之志。又嘗於嘉慶壬戌冬。來杭州節院。亨同放棹西湖。冒雪敲冰。聯句於林處士梅花墓下。感慨嘯歌。幾莫掩其胸懷高逸之風。舊遊如昨。梁木已悲。校刻遺編。益深傷悼。道光四年冬十月。受業儀徵阮亨謹識於珠湖草堂。

雕菰集紀略

儀徵阮雲臺宮保元定香亭筆談云。焦里堂江都人。樸厚篤學。邃於經義。尤精於天文步算。與李尙之、凌次仲爲談天三友。秦道古、李樂城之書。久無習者。里堂與尙之特講明天元一大衍求一之術。所著有羣經宮室圖、里堂學算記、毛詩傳箋異同釋、草木鳥獸蟲魚釋、毛詩釋地、乘方釋例、孫子算經注。皆能爬梳抉摘。多前人所未發。餘事爲詩詞。亦皆老成。

江都王柳村上舍豫羣雅集云。里堂江都人。嘉慶辛酉舉人。著雕菰集。里堂與江鄭堂皆以淹博經史。爲藝苑所推。時有二堂之目。

儀徵阮梅叔明經亨瀛舟筆談云。吾鄉善天文者。國朝自陳曙峯以下。代不乏人。今時如焦里堂師沈方鐘。其錚錚者也。方鐘嘗撰星球圖說一篇。質於家兄。文法仿考工。而語足以達之。有劉原父擬經之精。而無戴東原割圓之晦。斯可貴也。里堂師步算之外。尤精易學。英煦齋冢宰稱其過於孫明復、李泰伯。甘泉江鄭堂上舍。漢學師承記云。焦里堂名循。一字理堂。江都人。家黃子湖。嘉慶辛酉舉人。聲音訓詁、天文、曆算。無所不精。淡於仕進。閉戶著書。五經皆有撰述。刊行者。羣經宮室圖考、理堂算學、易學、北湖小志。

儀徵李艾塘上舍。斗揚州畫舫錄云。焦循字里堂。北湖孝廉。熟於毛詩三禮。好天文律算之學。鄭兆珏、鄭

偉、王準、皆與之游。所著有毛詩草木鳥獸蟲魚釋三十卷。毛詩釋地七卷。羣經宮室圖二卷。禮記索隱數十卷。焦氏教子弟書二卷。又有釋交、釋弧、釋輪、釋橢、乘方釋例、加減乘除釋、共二十卷。皆言算術也。本朝推步之術。王梅之後。則有江慎修、戴東原、錢曉徵、錢視二家。尤精。與里堂友者。汪孝嬰、凌仲子、李尙之。並通是學。李尤善。爲錢之高弟子。錢稱其愈己焉。里堂之子廷琥。字虎玉。亦善三角八線之法。

儀徵阮仲嘉、明經亨。淮海英靈續集云。焦里堂先生。學行誠篤。尤精推步之術。四十外。足不入城。築雕菰樓。藏書數千卷。著北湖小志、雕菰集、易學、孟子義疏行世。卒年五十八。亨輓聯云。學易重雕菰。記侍先生杖履。明經愧桃李。曾居夫子門牆。

通儒揚州焦君傳

阮元撰

焦君名循字里堂世居江都北湖黃珏橋分縣爲甘泉人曾祖源江都縣學生爲周易之學祖鏡父慈皆方正有隱德傳易學君生三四歲卽穎異八歲至公道橋阮氏家與賓客辨壁上鴻夷字曰此當如楚辭讀皮冰切不當讀如縫阮公廣堯大奇之遂以女字之年十七劉文清公取補學生員年二十二補廩膳生次年丁父暨嫡母謝艱自殮及葬八閱月未櫛沐食臥不離喪次甚哀毀弟徵讀書自教之興化顧超宗傳其父文子之經學超宗與君幼同學君始用力於經超宗歿君理其喪作招亡友賦哭之歲乙卯元督學山東招君往游遂自東昌至登州有山左詩鈔一卷嘉慶歲丙辰元督學於浙復招君游浙東有浙江詩鈔一卷歲庚申元撫浙招君復游浙辛酉春歸揚州秋應鄉試中式舉人入都謁座師英煦齋先生先生曰吾知子之字曰里堂江南老名士屈久矣歲壬戌復招君游浙冬歸揚州歲乙丑有勸君應禮部試且資之者君以書辭之曰生母殷病雖愈而神未健此不北行之苦心非樂安佚輕仕進也殷竟以夏病冬卒君哀毀如初克盡其孝除喪後小有足疾遂託疾居黃珏橋村舍閉戶著書葺其老屋曰半九書塾復構一樓曰雕菰樓有湖光山色之勝而讀書著書恆在樓足不入城市者十餘年矣歲庚辰夏足疾甚且病瘡以七月二十七日卒距生於乾隆癸未二月三日得年五十有八妻阮氏子廷琥廩生孫三授易授書授詩君善讀書博聞強記識力精卓於學無所不通著書數百卷尤邃於經於經無所不治而於

周易孟子專勒成書。君於易本有家學。嘗疑一號咷也。何以既見於旅。又見於同人。一拯馬壯也。何以既見於復。又見於明夷。密雲不雨之象。何以小畜與小過同辭。甲庚三日之占。何以蠱象與巽象相例。丁父憂後。乃徧求說易之書。閱之。撰述成帙。甲子後。復精研舊稿。悟得洞淵九容之術。實通於易。乃以數之比。例求易之比例。於是擬撰通釋一書。丁卯病危。以易未成爲憾。病瘳。誓於先聖先師。盡屏他務。專治此經。遂成易通釋二十卷。自謂所悟得者。一曰旁通。二曰相錯。三曰時行。旁通者。在本卦初與四易。二與五易。三與上易。本卦無可易。則旁通於他卦。亦初通於四。二通於五。三通於上。先二五。後初四。三上。爲當位。不俟二五。而初四。三上先行。爲失道。易之道。惟在變通。二五先行。而上下應之。此變通不窮者也。或初四先行。三上先行。則上下不能應。然能變而通之。仍大中而上下應。如乾四之坤初。成小畜。復失道矣。變通之。小畜二之豫五。姤二之復五。復初不能應。姤初則能應。小畜四不能應。豫四則能應。坎四之離上。成井。豐失道矣。變通之。井二之噬嗑五。豐五之渙二。豐上不能應。渙上則能應。井三不能應。噬嗑三則能應。此所謂時行也。比例之義。出於相錯。如睽二之五。爲无妄。井二之噬嗑五。亦爲无妄。故睽之噬膚。卽噬嗑之噬膚。坎三之離上。成豐。噬嗑上之三。亦成豐。故豐之日昃。卽離之日昃。豐之日中。卽噬嗑之日中。漸上之歸妹三。歸妹成大壯。漸成蹇。蹇大壯相錯成需。故歸妹以須之。卽需也。歸妹四之漸初。漸成家人。歸妹成臨。臨通遯。相錯爲謙履。故眇能視。跛能履。臨二之五。卽履二之謙五之比例也。易通釋既成。復提其要爲圖略八卷。凡圖五篇。原八篇。發明旁通相錯時行之義。論十篇。破舊說之非。復成章句十二卷。總稱離騷樓。

易學三書共四十卷。君易學既成，數年中，有隨筆記錄之書，編次之，得二十卷。曰：易餘籀錄。凡友朋門弟子所問答及於易者，取入三書外，多有所餘，復錄而存之，得二卷。曰：易話。自癸酉立一簿，自稽所業，得三卷。曰：注易日記。又有易廣記三卷。君之易學，不拘守漢魏各師法，惟以卦爻經文比例爲主。號咷密雲，蹤跡甚顯。蒺藜樽酒，假借有據。如郭守敬之以實測得天行也。旣又著孟子正義三十卷。疏趙岐之注，兼採近儒數十家之說，而多下己意。合孔孟相傳之正指。君又著六經補疏說曰：說漢易者，每屏王弼之說，然弼之解箕子，乃用趙賓說。孔穎達不能申明之。他如讀彭爲旁，借雍爲甕，通孚爲浮，而訓爲務躁，解斯爲廝，而釋爲賤役。蓋以六書通借解經之法，尙未遠於馬鄭諸儒。惟貌爲高簡，故疏者視爲空論耳。因作周易王氏注補疏二卷。說尙書者，多以孔傳爲僞，然堯典以下，至秦誓，其篇固不僞也。卽魏晉人作傳，亦何不可存。因舉其說之善者，如金縢，我之不辟，訓辟爲法。居東卽東征，罪人卽管蔡。大誥，周公不自稱王，而稱成王之命，皆非馬鄭所能及。作尙書孔氏傳補疏二卷。毛鄭義有異同，然正義往往雜鄭於毛，比毛於鄭，而聲音訓詁，疏略亦多。因撰毛詩鄭氏箋補疏五卷。春秋成而亂臣賊子懼。左氏傳云：稱君，君無道，稱臣，臣之罪。杜預且揚其詞，而暢衍之。與孟子之說大悖。預爲司馬懿女壻，目見成濟之事，將有以爲昭飾，且有以爲懿師飾，卽用以爲己飾。此左氏春秋集解所以作也。萬氏充宗斥左氏之頗，惠氏半農顧氏棟高糾杜氏之失，然未有摘其姦而發其覆者。撰左氏春秋傳杜氏集解補疏五卷，謂禮以時爲大蔽，千萬世制禮之法，而訓詁名物，亦所宜究。撰禮記鄭氏注補疏三卷。論語一書，所以發明伏羲、文王、周公之旨。

其文簡奧。惟孟子闡發最詳最密。論語一書之中。參伍錯綜。引申觸類。其互相發明者。亦與易例同。撰論語何氏集解補疏二卷。合之爲六經補疏二十卷。君游浙。因元考浙江原委。以證禹貢三江。歸揚州。撰禹貢鄭注釋一卷。專明班氏鄭氏之學。君謂王伯厚詩地理考繁雜無所融貫。作毛詩地理釋四卷。君又仿東原戴氏孟子字義疏證。撰論語通釋一卷。凡十二篇。曰聖曰大曰仁曰一貫忠恕曰學曰知曰能曰權曰義曰禮曰仕曰君子小人。君又撰羣經宮室圖二卷。爲圖五十篇。毛詩鳥獸草木蟲魚釋十一卷。陸璣疏考證一卷。君錄當世通儒說尙書者四十一家書。五十七部。仿衛湜禮記之例。以時之先後爲序。得四十卷。曰書義叢鈔。君思深悟銳。尤精於天學算術。謂梅徵君弧三角舉要。環中黍尺。撰非一時繁複無次。戴庶常勾股割圓記。務爲簡奧。變易舊名。撰釋弧三卷。錢辛楣先生稱是書於正弧斜弧次形矢較之用。理無不包。法無不備。君上書於錢辛楣先生。論七政諸輪。辛楣先生復書云。推闡入微。以實測之數。假立法象。以求其合。尤爲洞徹根原。君以弧線之生。緣於諸輪。輪徑相交。乃成三角。輪之弗明。法無從附也。撰釋輪二卷。君又謂康熙甲子律書。用諸輪法。雍正癸卯律書。用橢圓法。實測隨時而差。則立法亦隨時而改。撰釋橢一卷。君又謂劉徽之注九章算術。猶許氏慎之撰說文解字。講六書者。不能舍許氏之書。講九章者。亦不能舍劉氏之書。九章不能盡加減乘除之用。而加減乘除可以通九章之窮。作加減乘除釋八卷。君與吳縣李君尙之。歙汪君孝嬰。商論算學。是時李仁卿秦道古之書。兩君未之見也。乙卯。君在元署中。得益古演段。測圓海鏡二書。急寄尙之。尙之爲之疏通證明。君又得秦氏所爲數學大略。因撰天元一

釋二卷。開方通釋一卷。以述兩家之學。尙之敍云。此書於帶分寄母同數相消之故。條分縷析。發揮無餘。蘊自李欒城。郭邢臺之後。爲此學者。未如此妙也。又教子廷琥曰。李欒城之學。余旣撰天元一釋。以闡明之。而測圓海鏡。益古演段兩書。不詳開方之法。以常法推之不合。讀者依然溟滓黯黯。余得秦道古數學九章。有正負開方法。因作開方通釋。詳述其義。汝可列益古演段六十四問。用正負開方法推算之。因以同名相加。異名相消。用超用變之法。詳示廷琥。廷琥乃知以秦氏之法。讀李氏之書。布策推算。一一符合。六十四問。每問皆詳畫其式。君喜曰。得此而演段可以讀矣。卽命名曰益古演段開方補。且曰。可附里堂學算記之末。君又善屬文。最愛柳柳州文。習之不倦。謂唐宋以來一人而已。後人多斥柳州爲王叔文黨。君爲雪之。且曰。田山韞古歡集。馮山公。王西莊兩先生於叔文事。皆立論平允。足洗不讀書者隨聲附和之陋習。君於治經之外。如詩詞醫學。形家九流之書。無不通貫。又力彰家鄉先哲。勤求故友遺書。孜孜不倦。黃珏橋有老屋一區。爲前明忠臣梁公于涖之故宅。君買修之。扁曰北湖耆舊祠。設木主三十位。祀嘗居北湖。忠孝行誼。載於史志。足爲鄉人表率者。復揭三十人事實於壁。里人頗觀感焉。復理採舊聞。搜訪遺籍。成北湖小志六卷。又因分撰揚州府志。收拾雜文舊事。次第爲目錄一卷。名曰揚州足徵錄。又以隨筆考錄揚事者。成邗記六卷。君每得一書。必識其顛末。或朋友之書。無慮經史子集。卽小說詞曲。亦必讀之。至再。心有所契。則手錄之。如是者三十年。命子廷琥編寫成里堂道聽錄五十卷。又舉國朝人著述三十二家。作讀書三十二贊。又著貞女論二篇。愚孝論一篇。皆有補於世教。君之文集。手自訂者曰雕菰集。

二十四卷。詞三卷。詩話一卷。種痘醫說等書。不具錄。君性誠篤直樸。孝友最著。恬淡寡欲。不干仕祿。居恆布衣蔬食。不入城市。惟以著書爲事。湖山爲娛。壯年卽名重海內。先輩中如錢辛楣。王西莊。程易田諸先生。皆推敬之。煦齋先生見君易學。敍之以爲發千古未發之蘊。且集蘇文忠句書贈之。曰。手植數松。今偃蓋。夢吞三畫舊通靈。子廷琥能讀父書。傳父學。端士也。

評曰。焦君與元年相若。且元族姊夫也。弱冠與元齊名。自元服官後。君學乃精深博大。遠邁於元矣。今君雖殂。而學不朽。元哀之切。知之深。綜其學之大指。而爲之傳。且名之爲通儒。諗之史館。之傳儒林者。曰。斯一大家。曷可遺也。

雕菰集目錄

卷一

賦六篇

卷二

詩四十八首

卷三

詩九十三首

卷四

詩一百四十一首

卷五

詩一百三十四首

卷六

贊三十七首 頌一首 銘九首

卷七

雜著十二篇

卷八

辨十一篇 論七篇

卷九

解十七篇

卷十

說二十七篇

卷十一

釋五篇 考十五篇

卷十二

議四篇 荅問七篇 狀一篇

卷十三

書十篇

卷十四

書十六篇

卷十五

序十五篇

卷十六

序二十五篇

卷十七

序十篇

卷十八

跋十篇 書後十篇 題二篇

卷十九

記二篇

卷二十

記十二篇

卷二十一

傳十一篇

卷二十二

碑一篇 墓志銘十篇 墓表六篇 冢志一篇

卷二十三

事略三篇 事狀一篇 書事五篇

卷二十四

告文一篇 祭文五篇 誄辭一篇 哀辭三篇

右共二十四卷。文三百二十六篇。詩四百二十首。

嘉慶二十二年歲在丁丑正月二十九日江都焦循手訂於半九書塾之仲軒。

雕菰集目錄

卷一 賦

感大人賦 招亡友賦 假山石賦 象碁賦 鼃賦 弔松賦

卷二 詩

荒年雜詩 李貞女詩 巴貞女挽歌 姑惡惡 趙氏門前杞 周縣丞奴 雲貞行 哀小甲
虎溪吟 惠民阿姊行 番薯吟 甬江棄婦行 四哀詩 龍山慈孝歌 慈竹居 琴歌爲楊
鑑亭妾作 兒郎偉 蝗變蚊 黃鳥吟 弔忠毅李將軍三首 擬殘形操二首 擬古諺 杜
弼 酒興 卻梅一首示賣花者 友人贈金無所用購木以其半作屋其半作棺或謂余任達作
此解之 鸚鵡辭 湖之魚 筋骨篇 賣牛 買石 伊太守挽歌 與人論詩

卷三 詩

顏光祿作織女寄牽牛詩 擬爲牽牛荅詩 壬寅春雨雪十數日不能出客亦不至轉以詩自娛
得十二首 秋水 雨後憶田家景事 浩歌行飲李氏齋中作 北門送客行 題吳玉松太史
除夕游山圖 題黃宗易縣尉印譜作 題朱敬亭郡丞乘查圖 乙卯閏二月三日小滄浪修禊
佛峪 龍洞 官柳 香樟 烏篷 江鱸柱 晚泊慈谿 林庚泉歸天長索余詩爲母壽

禹陵 同年哥 江山船 鷓鴣船 由蘭谿至金華道中 喜舍弟歸自太原 題黃次和雙橋一石一梅花圖 題汪飲泉林屋幽居圖 歙縣方雨村贈紅豆以詩謝之 阻風燕磯三日病滯下甚劇 病愈有作 天界寺 自平望之崑山 邳州渡 吳玉松太史言刑部戴金溪嘗道僕所著書明日至鐵廠訪之 塵尾 泊車邏 鯢魚口 村中草木詩 滕陶陵鼎五言一首 田家 治平寺 石坊 登甘泉山 薤草 夜渡朱家湖迷路入畢家洶 和董晉卿湖上對月詩 先人手植山茶向時左畔生一小株二十年高五尺許矣其右又生一株越五六年高二尺今春間花殊可人意 賣花人以野卉一叢見遺花類牽牛葉似杏而有齒伊云紫金鐘核之乃桔梗花耳 叢竹中植紅薇十數本長夏盛開 讀易有悟忽聞竹中鳥聲 擬古三首 兩君詠 足疾 題阮梅叔珠湖漁隱圖 記得一首哭汪孝嬰 冬日雜吟九首 冬暖作 後湖觀打魚歌

卷四 詩

春日新晴 己亥金陵道中 九日 姚仁和百歲 戊申元旦 訪鍾保岐 舟行 題攝山僧寺壁 哭顧超宗三首 寄阮芸臺孝廉 江村二首寄城中諸子 嘔血 荅朱休臣 內人三十 秋居 枯坐 董子祠 琴 老將 贈邱縣劉松嵐明府 秋暮 雞鳴寺 大疫室人幾死弟復感之不寐作此 追詠九日二首 幽居二首 露筋祠 汜水 漁溝 陰平 西旺 長山途中寒食 青州五首 登州雜詩四首 江定甫贈刀作詩酬之 寒亭 阮學使招同

馬秋藥比部徐惕庵太守顏運生教授孫蓮水江定甫兩文學小滄浪亭雅集余賦二首 半城
紅葉二首 落葉 西湖四首 雪後泛舟 生日有作 從阮學使按試紹興和學使呈諸友原
韻 送人歸東吳 湖州弔吳蘭次太守 舟宿富陽和蔣竹塘孝廉韻 七里瀨登子陵釣臺
出七里瀨行建德道中 過蘭谿至蘿富灘 過帽頭灘至龍游 人日立春汪比部對琴先生會
郡中諸老輩賦詩屬余步韻 丁巳十二月立春前一日小集李冠三寸草齋中同詠者十三人
快園雅集詩 秋夕晚靜閣聽琴 題吳縣孫蔚堂花南老屋填詞圖并懷李尙之 歲乙卯熊柱
卿邀同人於塔影園爲文酒之會今三年矣柱卿復修前事人倍於昔而舊日同人則沒者與未至
者居其半分賤溺管感慨係之卽以寄凌二仲子 楊都尉移鎮安慶有書來作此以荅 足痹
燕磯阻風 辛酉元旦登吳山第一峯 題范賜湖廣文松下采菊圖 王江涇 登雞鳴埭歸舟
自蓮花橋步至地樓與兒子廷琥聯句得十韻 送汪孝嬰之六安 同孫蓮水游龍井遂至理安
寺 題安定書院壁 張古愚太守招同趙味辛司馬何蘭士太守孫淵如觀察暨江子屏汪孝嬰
李濱石雨中泛湖夕飲於倚虹園 堰頭遇談階平 劉智廟 任邱道中 題閨中壁 崇效寺
看花 同鄭柿里劉芙初唐竹虛汪珊樵游釣魚臺 贈別汪珊樵 鄭州 與朱椒堂月下聯句
二首 效四露體 吾無 蟹 共放 汪孝嬰訪余來湖中喜而有作 今歲 百尺梧桐閣爲
汪小魯作 鶯 郭公 與汪孝嬰登泰州望海樓 夕陽 湖村 惡竹 哭殤孫貴齡 己巳

秋楊竹廬都尉過半九書塾小飲明日作此乞和 庚午九月二日竹廬都尉邀往誦芬莊看桂

登雕菰樓有作 風雨破蕉葉作七言唁之 白菊 荅友人 閒吟 階下決明盛開偶得一律

坐 偶然 鷹 塾中海棠自戊辰開後四五年不花癸酉春三月盛開光豔照人花老矣恐發

洩太過明歲又將不花流連不已記之以詩 村居五首 後村居五首 王黃州以錦帶花名不

雅馴改曰海仙余植數本今年盛開錦帶之名尙矣斥之爲俗未以爲然詩以解之 哭鄭柿里舍

人 野外 僕素少交游邇年家處尤多疎闊昨聞武進臧上舍庸卒於京師今又接歙縣孝廉方

正程先生瑤田訃愴然久之率成二首 放船一首丙子秋分日作 詠茄 製棺成詩以落之

至後 己卯除夕枕上作 開窗

卷五 詩

古意 題畫 新月和族兄子均韻 六合道中 長千里 方景二公祠 病起東顧超宗 歸

來 喜張蓴樓至 秋夜 坐 送羅養齋歸海州 莫愁湖 看棊 聽曲 西子 荀卿墓

歷下亭 題王椒畦孝廉畫山水 題美人對鏡圖 章邱道中 牛山 阮學使試登州畢邀游

蓬萊閣望海市不得或舉蘇長公禱海神事作此以解之 濰河 小姑河 秦淮 烏鎮 錢塘

江 孝娥江 錢清江 復過梁湖二首 紹興試院夜興 渡錢塘江望六和塔 之衢州望家

書不至 出衢州十里宿雞鳴山下 定山 白秋海棠 秋江曲三首 題女子郝玉蟾畫二首

題程左恬風木圖 石門 西湖竹枝 茗花題合歡蘭畫二首 竹柏樓 白溝河荅李濱石

北征曲 題孟郊詩集二首 壬戌五月晦日江文叔邀同汪晉蕃張開虞蔣春樹袁又愷集康

山草堂 杭州雜詩二十二首 寒食曲二首 擬樂府 抱孫 戊辰之春塾中海棠盛開意有

所觸率作兩絕句 高義 決明 村居漫興五首 偶書黃山谷蘇東坡事 曉起 不寐 三

月晦日效宋人詠牡丹 立春 買菊 奉和楊竹廬都尉 贈漁父 迎春柳 觀村劇二首

夏月階下小花數種相續開謝偶然成詠得八首 小樓 春寒二首 落花曲三首 苔 草

雞聲 銀薇 初夏雜詠二首 雁來紅 秋芍藥 乙亥春丁香海棠盛開喜羅養齋汪掌庭至

友人論史事作此示之 啐啐 夜來二首 巴蕉舒第四葉其畔罌粟鮮紅豔麗詩以當畫

薄暮坐紅薇翠竹亭望湖

卷六 贊頌銘

讀書三十二贊

曉庵遺書 學春秋隨筆 音學五書 古文尚書疏證 尚書後案 尚書集注 音疏

雖指易圖明辨

周官祿田考 鄉黨圖考 孟子字義疏證 易例 易漢學左傳補注 通鑑

六書音均表說文注詩經小學

禮箋 深衣釋例 弁服釋例 爾雅正義 經義考異 文選通義 二十一史考

異廣雅疏證經義述聞

說文聲系 述學 燕樂考原 經籍纂詁十三經校勘記 句股細草 大戴禮記

解詁琴旨

兩將軍贊 辛慶忌 宋兩先生贊 李泰山復 李孟贊 陳節母頌 孝斛銘 改水

車爲書櫝銘

相墩銘

勁雪銘

團扇銘爲黃蒼雅作

不雕硯銘

黃珏橋關帝廟鐵鐘銘

雕菰集

目錄

木瓜杖銘 桃杖銘 古藤杖銘

卷七 雜著

申戴 非隱 翼錢三篇 述難一 述難二 述難三 述難四 述難五 續蟹志 書鵜

卷八 辨論

辨學 辨名上 辨名下 貞女辨上 貞女辨下 誣親辨 四聲陰陽辨 二十八調辨 文

章彊弱辨 象刑辨 褒姒辨 宰孔論 虞翻論 葉李論 西魏書論 良知論 愚孝論

周易用假借論

卷九 解

性善解一 性善解二 性善解三 性善解四 性善解五 知命解上 知命解下 格物解

一 格物解二 格物解三 一以貫之解 攻乎異端解上 攻乎異端解下 君子喻於義小

人喻於利解 殺身成仁解 使無訟解 讀易章編三絕解

卷十 說

說聚、說方上 說方下 說隅 說權一 說權二 說權三 說權四 說權五 說權六

說權七 說權八 說矜 說定上 說定下 理說 文說一 文說二 文說三 詩說 詞

說一 詞說二 時文說一 時文說二 時文說三 昭穆說 岳神說

卷十一 釋考

釋月 釋軌 釋闕 釋仍 釋鬯 廣陵考一 廣陵考二 廣陵考三 廣陵考四 廣陵考五 廣陵考六 廣陵考七 廣陵考八 廣陵考九 廣陵考十 廣陵考十一 廣陵考十二 廣陵考十三 廣陵考十四 蔡中郎焦君贊考

卷十二 議 荅問 狀

國史儒林文苑傳議 勘倭本鄭注孝經議 依斗定尺議 郡縣議 俗禮荅問一 俗禮荅問二 俗禮荅問三 俗禮荅問四 咎由人已對示二李生 屬文稱謂荅 學童讀爾雅荅 請立北湖耆舊祠狀

卷十三 書

上王述庵侍郎書一 上王述庵侍郎書二 乞程易田先生爲先人作墓志書 上座師英尙書 書 奉檄上制府書 與朱椒堂兵部書 寄朱休臣學士書 上郡守伊公書 覆姚秋農先生 書 與孫淵如觀察論考據著作書 與劉端臨教諭書

卷十四 書

復江艮庭處士書 復蔣徵仲書 荅鄭柿里舍人問夾南夾北書 上錢辛楣少詹事論七政諸 輪書 荅李尙之書一 荅李尙之書二 荅汪孝嬰問師道書 荅鄭耀庭書 荅汪晉蕃書

寄段懋堂先生書 與周維周論古音書 與王欽萊論文書 與趙寬夫論文書 荅羅養齋書

與歐陽製美論詩書 與黃春谷論詩書

卷十五 序

代阮侍郎撰萬氏經學五書序 代阮撫軍作喪服足徵錄序 代阮撫軍作春秋上律表序 王處士纂周易解序 後漢書訓纂序 詩益序 衡齋算學序 修補六家術序 豫章沿革考序 天慵庵筆記序 醫經餘論序 刻九經三傳沿革例序 刻詩品序 鄭舍人文集序 吳少文詩序

卷十六 序

石湖遺書序 揚州足徵錄序 里堂道聽錄序 鈔王築夫異香集序 鈔何有軒文集序 鈔雙虹堂文集序 鈔依歸草序 修菴通志堂經解後序 易圖略自序 易通釋自序 禹貢鄭注釋自序 毛詩地里釋自序 毛詩草木鳥獸蟲魚釋自序 論語通釋自序 羣經補疏自序 周易王氏注 尚書孔氏傳 毛詩鄭氏箋 禮記鄭氏注 左氏春秋傳杜氏集解 論語何氏集解 加減乘除釋自序 天元一釋自序 開方通釋自序 種痘書序

卷十七 序

姚仁和百歲詩序 朱登三兄弟同壽序 黃次和七十壽序 送程定甫赴京師序 贈方鑑珊

序 送郡太守伊公歸里序 送吳生序 募修五烈祠序 習禮格序 舟隱圖序

卷十八 跋 書後題

改堂閒話跋 武虛谷先生手札跋 徐惕菴太守手書帖跋 江處士手札跋 蜀道歸裝圖跋
湖莊圖跋 緝雅詞跋 杜胡詞跋 憑軒遺筆跋 蝸牛草堂詩跋 書非國語後 書韓退
之毛穎傳後 書喬劍溪選大歷詩後 書李吁江文集後 書徐文長集後 書潛研堂文集後
一 書潛研堂文集後二 書鮎綺亭集後 書西鏡錄後 自書貞女辨後 題嚴禹航先生遺
像 題阮代公先生把卷圖

卷十九 記

神風蕩寇記 神風蕩寇後記

卷二十 記

張滌園治昆明記 蕭山雙節記 誠本堂記 半九書塾記 半九書塾後記 上河水災記上
上河水災記下 朱文正公神道碑後記 登州觀海記 壬戌會試記 學圃記 雷塘話雨記

卷二十一 傳

周縣丞傳 直隸總督樸園楊公別傳 阮湘圃先生別傳 李孝臣先生傳 顧小謝傳 亡友
汪晉蕃傳 石埭儒學教諭汪君孝嬰別傳 葉霜林傳 陳達夫傳 汪節母吳太恭人別傳

卷二十二 碑 墓志銘 墓表

孝女王淑春墓碑 鄭孝子墓志銘 喬先生墓志銘 李嵩泉墓志銘 儀徵縣學生鄭君暨節婦吳孺人墓志銘 甘泉優貢生鍾君墓志銘 代阮宮保撰王善香觀察墓志銘 名醫李君墓志銘 表叔王容若墓志銘 吳完甫墓志銘 代阮撫軍撰雲南府通判岸亭陳君墓志銘 節孝臧君墓表 伯祖心吾府君墓表 族父訓導公墓表 范氏墓表 吳氏先塋表 李氏兩大夫阡表 殤孫冢志

卷二十三 事略 書事

先考事略 先妣謝孺人事略 先妣殷孺人事略 揀選知縣李君濱石事狀 書謝少宰遺事 書王鷺亭事 書裔烈娥事 書江都兩生 書家奴陶裕婦杜氏與張芟塘

卷二十四 祭文 哀辭

告先聖先師文 代詒經精舍祭許祭酒鄭司農文 祭故鹽運使司馥園鹿公文 祭故御史馮孟亭先生文 祭外舅阮太學文 哀程一亭文 汪母李安人哀辭 謝景張哀辭 祭黃氏妹文 邵太宜人誄辭

自乾隆戊戌己亥習爲詩古文辭。迄今垂四十年。所積頗盈笥簞。屢加選訂。而未能定。去秋左臂筋掣。右腕幾不可筆。心甚快快。十月九烏頭日服一錢。掣處漸柔活。遂可執筆。因先取詩文章稿理之。錄爲

二十四卷。既成編，爲目錄一卷。如右。嘉慶二十二年歲次丁丑二月九日，江都焦循手訂於半九書塾之雕菰樓。

雕菰集卷一

江都焦循著

感大人賦并序

乾隆己亥夏五月諸城劉文清公時以侍郎督學江蘇按部至揚州循年十七應童子試公課士簡肅惡浮僞之習試經與詩賦尤慎重用是試者甚罕循幼從范先生學詩古文辭至是往試公取爲附學生覆試日公令教授金先生呼曰詩中用韻臚字者誰也循起應之教授令立俟堂下良久燈燭光耀公自內出循拜公止之公視循衣冠殊樸質顏色甚憚問二字何所本循以文藝桃花賦對謹述其音義公喜曰學經乎循對曰未也公曰不學經何以足用爾盍以學賦者學經顧謂教授金先生曰此子識字今入郡學以付汝詢循所寓遠令巡官執炬送歸寓明日公謁公復呼循至前曰識之不學經無以爲生員也循歸乃屏他學而學經循之學經公之教也越二十年嘉慶壬戌會試在京師時公已相兩過公之門而不敢謁又數年公卒於位循以病家居聞公卒北面蒲伏而哭益從事於經學不敢忘公之教也感而爲賦以示後人其辭曰

嗟余生之羸鈍兮又里居之多僻倚先德之相承兮不囿我於鄉壁既澀嘉之孔戒兮惟函通之我責方負劍而孩笑兮卽書字以爲識初鼓篋以從師兮誦風雅之三百師惘惘其善誘兮俾吟咏於朝夕首震

之以性靈兮。紛縱之以典籍。道古人之可似兮。期躋躋乎偉迹。紘栝榴而大巫兮。琳亦應機而爲雄。伯憲
 經經而窮雅故兮。善琅琅而注選。冊錯嚶嚶以繫傳兮。鉉鏜鏜於篆畫。或人謂此紛紜兮。非仕宦之所急。
 爐鑪質以棲遲兮。義膠言而莫擇。思濛濛而漸汙兮。樞蹇蹇以日迫。維大人能隔人兮。愚爲之開。若清風
 之吹曙兮。道無塵埃。日月之高重兮。公示以階。枝柯之紛躋兮。公授以菱。魂氣之游散兮。公棲之以骸。雨
 潦之無歸兮。公導之以江淮。屏糟粕而飲以醇醪兮。尊佳穀於鹵菜。余乃皇皇以識路兮。輕衆口之予權。
 恥奧境之未見兮。悔前習之已乖。撫年華之尙駐兮。冀名學於方來。行阮岸兮。或墜。寢筆札兮。在懷。鬼入
 夢兮。與競。髮近燕兮。半灰。閱荒歉其無食兮。探微言以療飢。惻羸病其不支兮。踟愴竄而冥思。旣超遙而
 長征兮。惟鉛槧之日隨。年倏忽其五十兮。嗟目眊而齒危。心悠悠而未已兮。就學業於何時。慕遠至而夫
 迂滯兮。舍祿利之騁馳。涸陽神以妙索兮。數寫定而猶疑。風雨瀟瀟兮。秋夜長。雞鳴不已兮。天有光。魂迂
 迂而不寐兮。道邈邈而弗忘。瞑雙眸而回溯兮。儼攝齊於公堂。凜嚴嚴而在上兮。爰仁我以春陽。獎士類
 以定品兮。泰有善之必揚。進小家而共語兮。膺無微之弗彰。拔英彥於韋褐兮。淑立賢之無方。甄儒臍於
 菰蘆兮。亮何用之不臧。第鑒別於淑慝兮。祇擬議於短長。惟大人之化育兮。迺物與之无亡。譬農夫之力
 穡兮。彼收穫於倉箱。茲耕苗而灌沃兮。培荒歲而爲良。體元亨而知始兮。柄消息之有常。頤童蒙而祛蔽
 兮。孚解悖而包荒。官大德而不居兮。利美利而時行。允忠勤於乃職兮。合參贊於維皇。系曰。於休大人。嶽
 降神兮。以訓四方。則蒸民兮。謂肅如霜。春鷲鷲兮。謂介于石。澤沛沛兮。謂直如繩。與人同兮。謂立如岱。變

則通兮。經爲人師。舊章率兮。受在吾身。知之實兮。

招亡友賦有序

顧子超宗。歿三年矣。今以庚戌八月某日。葬。水不容刀。竟成宋遠。三板之封。未獲親塋。是夕也。風雨慘廩。撫卷杳然。有有無無。顧子忽來。起而延之。神定景絕。更寐而求。蟲鳴啾啾。燈暗復耀。寂無人語。起視庭外。溼雲東西。欲月欲雨。巡宇而呼。仰空而歎。懷思往昔。傷感倍加。因作賦以招之。其辭曰。

嗚乎噫嘻。子胡不來哉。精氣結身不鬼。而人道由於中。子何不神哉。朔死而仙。董鬼辨言。越昔之哲。嚙往不反。子獨不能還哉。太山土伯。絢鬼酷嚴。薛荔攢人。舜赤肉焚。嚇愚弄惠。豈於子而敢哉。有見於涂。突御申車。伊沒猶靈。子之能都。子豈神之無哉。肆帝式者。隆以賓師。九閭之上。左右雲曄。其不許子以歸哉。懿有盤餐。朝夕實難。母頽婦寡。弟謀已殫。秋森夕雨。將泣將歎。迺營於家而友之。謾哉。走亦囊驅。匿江之隅。子故未識。道非崎嶇。子神虛靈。豈不見而是趨哉。厥地之北。環沲翼哉。厥地之南。山如墨哉。厥地之東。筱蒙蒙哉。厥地之西。瓦葺齊哉。厥地之門。無犬屯哉。厥地之室。奄且密哉。室之疏櫺。柴若櫛哉。旋以風等。發卽至哉。鳩子散霸。履我卽哉。苦檟秘醇。味清逸哉。烏荅赭芰。錯丹漆哉。豕肫毛羹。盈於屋哉。香稂刈新。炊如玉哉。宿醅醇良。罄可漉哉。鴻譚辨博。無人妒哉。木牀無塵。克棲客哉。故籍從衡。供檢釋哉。析疑究惑。共此夕哉。走思嚙昔。侘僚作哉。觀於射宮。互粵彘哉。同登於豫。交式蒙哉。凌唐屏宋。舊學崇哉。走與子共此衷哉。櫛繁鉤隱。不畏難哉。走與子共此專哉。喪齊迭服。哀輓輓哉。走與子共此鞠凶哉。嚙嘆戶疫食指殮。

哉。走與子共此艱哉。年小氣越介青紫哉。走與子共此自喜哉。櫛經糾史。競爲新異。互爭而誦。相詆不已。於詢諱何不可再哉。炎熱席炙。棧南闔朔。甄疇析卦。寒生於席。於高曠何不如昔哉。寺壁岑寂。葦語斷續。茹飫風雅。評蟲訂木。於敘論何不可復哉。春煦樹采。雜坐素友。共醉而驟。叩左爾右。於豪狂何令其已哉。已走之文。昔爲流泉。今凝雲哉。子來爲走評哉。已走之學。化羹而醢。凋作樸哉。子來爲走成哉。已走之志。以華爲臺。質爲子哉。子來爲走貞哉。嗚乎噫嘻。子胡不來哉。

假山石賦有序

故太守牛公。性恬逸。雅愛泉石。自謂與勞力尋山。不若使山就己。與游於山。而盡歷其險阻。不若盡括其險阻。使自獻於目中。工某以技自神。累石作山。有峯有壁。有泉有林。有池有梁。高三尺。廣二尺。縮一尺。對之不異千百尺之勢。江都焦循。獲侍其下。時夏月。炎熱。淡風滿襟。塵慮盡滌。若游匡廬。恍坐岳鹿。退而賦之以志其狀。其辭曰。

男男者山。峨峨者石。涓涓者泉。盤盤者路。密密者林。林藁石白。石巖若檐。泉注若雨。深曲莫測。險怪邕邕。神游目登。欲倦且苦。冥求人居。驚似匿虎。俯眈絕顛。一寸萬尺。闊亦如掌。挺亦如杖。銳角鈍支。插插搶搶。維石之上。蠕然蛟轉。隕然鼇俯。鬼頭螭鼻。虬爪犬牙。維石之下。巖業偉起。離合委墮。維石之左。流之所旋。鑿列其齒。維石之右。瘦若病鵠。蒼若舊琴。蹇蹇削削。孤峯秀林。萬壑含怒。一泉成音。維石之南。廓拓其張。豐郁其色。茂密之木。翠填陰塞。尖峯倒鉞。懸厓橫翼。維石之北。

象碁賦有序

世俗貴弈而賤象。余怪焉。象碁之戲。其名著於楚辭。古之通儒。多有撰述。傳亦古矣。厥類止七。厥碁止三十。有二厥路。每半縱者九。橫者五。一碁之用。變億化萬。斜直錯綜。運之不竭。若弈者。盡三百六十一。而更無餘力。是故義蘊若精。用思若奧。小慧之夫。可盡其技。象之爲術。婦孺農牧。無不可能。及其至也。雖巨儒名賢。莫敢自擅。弈難而易。象易而難。表之爲賦。以咨識者。辭曰。

演涿鹿之罷豹。布垺野之豺离。抒片縑之咫尺。括千軍之紛披。行或斜而或直。用倏正而倏奇。各盡其用。以衛一人。旆以動而遙擊。駟相連而互牽。駕雷輶以蔽路。練勁卒以披堅。愬長驅以入蔡。元拒水而敵秦。蘊陰符之詭譎。抱玉帳之幽元。勢彭蠡而制敵。機疾駭以爭進。非潛思而渺算。嚙擅譽而號賢。何倭窺而譴視。久屈鬱而莫伸。

體賦有序

庚戌春暮。觀獲鼃者。是物也。好鳴而善怒。因致箝之。感而作賦。其辭曰。

懿爾好鳴。遠近其聲。斯足以焚其身。懿爾好怒。憤積腹鼓。斯足以夷其股。大道何爲。諾諾靡靡。齟齬於寂。豪越於隨。厥問無戎。嚙媚其躬。叩叩善矜。莫與并蜂。揚子斷要。仲孺拘囚。李范無類。雲華以收。不過之賞。豈可倖求。蚋螻逞口。竿承於條。其伊何爲。夫夫鼃鼃。虛莫之表。可敖可遊。退藏之族。何患何憂。蝮溺影而過狡。蟲叩頭而甚柔。肆吾形之自適。以旦作而昏休。

弔松賦有序

余齋閣前松一株。先人手植也。歷四十年。高三丈。枝葉翠鬱。挺然無紆曲。其所植邱。去地數尺。樹益高。離宅數里。卽見此。往往指爲識焉。乙巳。先人捐館舍。松乃憔悴。迄今三年。以漸而死。余自外歸。家人驚告。繞樹視之。淚下沾襟。謹陳茶果。祭而弔之。其辭曰。

聞歲寒之可耐兮。孰不欽夫後凋。何造化之不可測兮。倏顛顛而寂寥。其荆棘不可與居兮。恥溷跡於茭桃。抑主人之旣逝兮。甘身殞於夙交。懷移根兮曩昔。勤培植兮益邱土。閱日月兮幾年。長支柯兮百尺。風吹兮聲謾謾。雲覆兮景旅旅。攜尊壺而具闌看兮。布几筵於其下。家君據上坐而抱孫兮。先慈擎杯而笑語。諸婦奉觴而上壽兮。兄若弟兮歌且舞。斯何如之嘉祥兮。人融融而樹蒼蒼。鵲鶴拾爪而夜哭兮。凶獨降於吾堂。吾堂凶降兮。吾囿荒。吾囿荒兮。君葉黃。石鄰鄰兮。苔蘚碧。草芊芊兮。獨尾光。屋欹欹兮。僦他氏。竹疎疎兮。崩頽牆。君其感此而抑鬱兮。悲盛衰如此而神愴。君神愴兮。君乃死。予亦人情兮。奚遣此。撫摩仰望兮。淚如矢。松兮松兮。長已矣。

雕菰集卷二

荒年雜詩

三月無雨種。四月無雨栽。昨宵雨若鎬。猛至驅塵埃。東鄰摘野蕨。西鄰蒔園菜。園菜葉黃蝨。野蕨根傾頽。采采山上榆。榆皮剝已盡。采采墓門茅。茅根不堪吮。千錢二斗粟。百錢二斗糠。賣衣買糠食。兒女賣牛買粟供耶孃。無牛何以耕。無衣何以煖。休問何以耕。休問何以煖。未必秋冬時。一家猶在屋。

未死不忍殺。已死不必覆。出我橐中刀。剝彼身中肉。瓦甗燒枯苗。煎煎半生熟。羸瘠無脂膏。和以山溪蕨。生者如可救。死者亦甘服。此卽妻與孥。一嚼一號哭。哭者聲未收。滿體乍寒縮。少刻氣亦絕。又滿他人腹。稚子啼路旁。哀哀歲六七。問兒何爲啼。不食已二日。昨從阿耶來。今卑阿耶去。言去乞水漿。置兒臥此處。行者憐其孤。攜歸備驅馭。餓久腸胃枯。不堪任充飫。

孤村苦盜賊。相集防不虞。鳴鑼出林竹。張炬然溪蘆。初昏迄黎明。遠近聲相呼。攀木坐屋角。四顧時彎弧。叢榛有人匿。互警施刀鈇。一炬草木盡。衝煙走雄狐。

春作農家子。冬爲求乞兒。豈無百畝田。泥土難療飢。親鄰亦如此。稱貸將何之。不甘閉戶死。猶望長者施。一家六七口。沿路相追隨。亦云春月至。還家耕新苗。昨夜北風起。老父死高隄。稚子凍斃盡。霜雪埋其屍。妻子曉辭去。不知曾夫誰。顛栗臥野寺。衣淺難支持。餓死在旦夕。名姓孰問知。

縣令乘車來省視災與饑。蠕蠕村中民。匍匐前致詞。形骸骨立語孱弱。長官救我呼聲遲。長官向民語。爾衆勿傷悲。一日告大府。三日奏天墀。有錢買新絮。有米炊香糜。事無十日遠。少俟無遷移。蠕蠕村中民。匍匐稱仁慈。拜送長官去。相顧形嬉嬉。

富人有長者。捐米施饘粥。架廠環數畝。邑宰坐中屋。啜啄桑中蠶。旁午散南北。家有父與母。老病久枵腹。哀告給半筐。將歸救窮蹙。

丙午二月末。嚴寒勝殘臘。裸體蹲門檐。驅之莫容內。背倚相爲笛。男女任叢雜。孰知骨瘠冷。不容霜華著。肉吹寒風。皮黑若漆。痛不覺。頭顱如散心。如空。終夜啜啜。預鬼泣。曉來滿地橫僵蟲。昨日死十七。今日死廿三四。荻樵卷如蠶。十穴百十殍。君不見。農夫餓死西原頭。鳶鳥攫腸犬食臂。

李貞女詩

古者不室卽不父。葬不入兆廟無主。上殤立後惟大宗。士庶未昏死卽腐。俞家郎。年十五。瓦棺只合埋。國如今立嗣如成人。祭薦不絕名載譜。子承祧。孫繼祖。誰之力歟。李貞女。貞女二八年。父母將別許。貞女矢志志不移。血淚垂垂語師姆。投繯白刃吾所甘。恨不捐生入泉土。一死徒傷父母心。死者泯沒終無補。誓將以妾存吾夫。竟入夫家守貧簞。二十喪服除。三十操春杵。四十殯尊章。五十諸姪撫。六十遭凶荒。糠糲衣藍縷。今年七十稱稀古。白髮飄蕭尙勤苦。女而不婦誰之云。同心何必生同處。或云未嫁義可斷。此言迂腐殊齟齬。前朝未仕歸新朝。往往慙慙假此語。吾恐猶羞見此女。

巴貞女挽歌

貞女者何巴氏女。張子繼室聘未娶。行年十七聞夫凶。前婦遺兒二歲許。兩家父母愛惜深。未行昏者可從父。再嫁之禮禮所詳。貞女大笑周公腐。夫面未見穴可同。兒包未懷身可撫。柏舟旣矢母諒人。洒然竟入張家宇。輪三周兮御者誰。轡車素白淒秋雨。桃夭天兮霜烈烈。鴛帳空兮總帷舞。婦未成兮母德全。撫摩盡瘁忘寒暑。孰知天道不可測。檐前老菟啼聲怒。臘月雷轟六月冰。嬰兒攫去苛於虎。懷內珍珠亦已空。胸中金石原如堵。青羣獨守夜風清。女自甘兮人若苦。吾聞貞女幼讀書。女箴閨範皆全睹。讀書如此乃真儒。不識字兮光與禹。今以戊申十一月。痛哉發痘歸泉土。九年節操蕙蘭香。清泉皓月堪爲伍。僭效龍門太史筆。丰神描畫遺千古。世有杜夔歌此歌。柔面男兒色或沮。

姑惡惡有序

哀枉不申也。伶人妻淫。畏婦見。迫污之。婦拒不從。以剪刀殺於雪中。伶人故伺候巨室。不知妻淫。且衛妻。託巨室屬邑令。又以錢賂婦家。遂不理也。

姑惡惡。不敢言姑惡。姑惡惡。不敢隨姑惡。此身旣許夫。此身不許姑。姑心不念子。妾心不念死。妾死化作東門榆。東門榆。莢稱無姑。妾死不化姑。惡鳥不言姑。惡言姑好。兩親不認官不追。妾陰爲之爲姑保。

趙氏門前杞有序

趙氏子取未久。游於遠方。十年。妻守無他志。書至曰。吾不歸。子可以嫁矣。婦怨而死。

趙氏門前杞青青向溪水。君始出門去。送君雙立此。君留青絲纓。妾贈昏時纒。別時妾十七。屈指延一紀。歡喜開君書。華萃忽飛絮。知心孰如君。信妾未他去。知身別有婦。欲妾別有夫。趙氏門前杞。對此獨躊躇。新枝別將無。舊枝今摧枯。君猶念妾身。妾懷君厚情。欲生如情何。欲嫁如情何。

周縣丞奴有序

周縣丞奴陳德者。越人也。臺灣賊起。周被執。奴左右之十餘日。及周遇害。奴奮殺賊。賊支解之。主人食者君之祿。奴所食者主人粟。海隅狂魅興妖氛。主人罵賊義不辱。賊羣如鬼圍風沙。賊刃如霜落喬木。頭顱斷矣聲猶蒼。血飛一天滿地肉。主人行勿速。小人殺賊來追逐。

雲貞行有序

女子雲貞。其夫以罪戍邊。寄以書。關吏啓之。辭深婉嫺麗。有詩人汝墳君子于役之風。寶應朱君士彥。志之以詩。事可見矣。書中有楓亭分手之語。共傳爲仙遊縣人也。

郎戍伊犁城。妾住仙遊縣。萬里一封書。開書當妾面。郎本武健兒。負氣樂勇戰。涼秋木葉脫。禽肥出沙甸。郎騎青玉虬。右挾僕姑箭。一發斃雙狼。聲名塞人羨。郎面猶如昔。年年春夢見。

哀小甲有序

小甲某。執盜於市。盜刺之。至死不釋。時壬子冬至前十日也。奉職無貴賤。盡忠無顯微。茲冬苦不雨。盜賊鑽城扉。東家困失米。西家篋亡衣。城西有小甲。發奮獨呀呬。

夜別妻與女。朝別兄與母。我任在驅賊。賊擾我色沮。幼女啼牽衣。耶出須早歸。壯士瞋目怒。拂衣去不顧。纒笠短後衫。持梃俟邑路。慘慘市橋月。烈烈衝冠髮。一賊伏深巷。擊刺起倉卒。壯士未及防。白刃飛秋霜。身遇十數創。格鬪聲愈張。行人遠避匿。邏卒失人色。天昏朔風黑。身死賊亦得。義勇如斯人。捐軀得其職。以之作將帥。孔武報王國。以之作守令。循良必堪式。所惜未知書。知書者何如。

虎鯊吟有序

吹沙小魚。俗謂之虎鯊。湖中人張瓦取之。以當蔬菜。乙巳丙午。湖水旱涸。種類頓絕。八九年矣。今秋復繁。衍如昔。足爲豐年安樂之象。因詠其事。

年歉魚頓竭。年豐魚復生。小物不足記。生死關民情。憶昔值荒歲。有田無能耕。農夫率妻子。就食梁與荆。荆梁遠復遠。途路嗟難行。制府川中來。巨艘移新杭。居者不餓死。散者歸鄉閭。畜牧漸蕃息。倉困漸充盈。婚嫁締新特。滋生孩嬰。小者善啼哭。大者能趨行。驅雞衛糧穀。候門習送迎。鄰里具斗酒。勸樂相鬻匄。農夫暗垂泣。衷苦言難明。閨中舊有婦。凍死無墳塋。膝下舊有子。賣往他鄉城。聚首更何日。恨淚空頻傾。

惠民阿姊行有序

惠民縣有殺人一家。而火焚其屋者。於爐中得一臂一鉢。其女懇諸縣。縣不理。轉相懇者五年。甲寅畢撫軍來閱案牘。知其冤。適總督兩湖。以是屬繼撫王公廉之。果得被殺狀。置前不受理。及訊鞫。不實者於法。國人快之。且壯女之不屈也。

阿姊年十九。阿弟年十一。阿姊咽咽向弟說。耶孃慘變賊潛逸。阿姊抱屍臂。阿弟持鉄鐵。俯伏公堂叫地。天長官大怒聲如裂。爾父及母天所災。誰與健訟唆兒來。兒泣不能語。姊泣欲語官不許。坐兒誣愬飭隸拘。與姊持抱相哀呼。姊憤愬於上。上官受其狀。定案誰能翻。冤沈咎以謗。反復悲鳴秋復春。形容骨立衣如鶉。指天自誓誓以死。大仇不雪吾不已。龐娥刺刃終非謀。惟望朝廷代爲理。至誠所格天垂閔。擢挈烏雀來鷹隼。五年疑獄一朝伸。行道之人涕爲隕。警人戮阿姊病。一孱女子見天性。阿姊歸長官走。民冤不理誰之咎。

番薯吟有序

定海諸生李興占。家赤貧。謹於事母。授徒數里外。每食必歸。食已復至。主人怪之。詰以故。久之乃曰。家貧。母食番薯。何忍獨飯也。學使訪得實。表之。又給以金。始卻不肯受。語以歸養。母乃感泣再拜持去。母食米。兒食薯。母心不豫。母食薯。兒食米。兒能不泣涕。海水洶洶浪拍天。中有斯人行獨賢。使君與金謝不受。無名得此身之咎。使君曰。女勿卻。姑買市中珍。歸爲賢母樂。李生叩首納金去。兩眼紛紛淚如雨。

甬江棄婦行有序

鎮海諸生劉赤江。棄其妻丁。別聘於姜。丁歸母家。守志不嫁。學師事學中弟子來報於學。使者革其衿。始劉父利姜之財。姜慕赤江有文名。可希仕進。至是姜惡之。復脅劉父毀昏。劉父亦悔前事。迎丁歸。夫婦相泣和好如初。丁之兄允平。求復赤江。許之。邑人以爲善。按其事以作此歌。

阿翁怒。阿婦出。使君怒。青衿黜。翁不是婦實愛子。子與婦離。乃若此。東家許女爲衿青。衿兮衿兮今已矣。還爾英瓊瑤。還我金錯刀。子衿旣革。兩婦失。阿翁垂涕自羞慄。鄉鄰向翁說。此意不難決。使君之怒非苛責。以婦守夫不他適。婦爲誰家矢志堅。使君尙爾嘉貞白。翁曰兒驅爾車。迎婦歸來還舊廬。夫曰婦整爾裾。公姑念爾今倅予。婦拜翁姑泣不起。爲儂不肖貽夫恥。夫聽斯言悲復悲。負君之咎予何辭。孔雀東南飛。化爲連理枝。昔爲商與參。今爲瑟與琴。飛鵲食桑椹。相感成好音。棄婦歸。使君喜。復生之衿斯可已。過而能改。卽君子。父慈子孝。敦鄉里。使君此舉咸稱美。

四哀詩

李鍾源有序

家貧以星命爲業。謹以事母。嚴以課弟。敝衣藿食。爲善不倦。甲寅之秋。送余江上。以弟相托。歸日。值君臥病。明日遂死。

有道之士。不伎不求。親怡弟立。抑又何憂。病榻呻吟。奄留一夕。萬苦忍死。見弟乃沒。蒼蒼昊天。速此嘉客。草木向春。斯人標格。

王準有序

家於湖北。從父於閩。就昏來江都。性情任俠。能文章。有豪縱之氣。壬子。游幕南昌。遂病。病中迫欲見父。方及閩而卒。

寂室草長。黯然銷魂。唧唧夜語。或泣或言。別離之夕。我送於門。回顧不去。永以貌存。三年之別。頓聞君死。聞君之死。又三年矣。

顧之遠有序

吳中諸生乙卯秋。遇於秦淮水榭中。明年。自浙至吳。至其書室。得覩藏書。時校刊列女傳。值君病死。死數月。書方刊成。

抱冲奕奕。目光照人。鶴作形氣。書爲性真。我識君屋。背城面津。丹鉛縱橫。誦讀不輟。誦讀不輟。今輟且絕。將旅吳閫。我欲迂行。

郎炳有序

余從阮學士校文山左。於萊州濰縣。得說經卷。闡方田句股之理甚悉。心契之。檢冊僅十幾齡耳。未幾。沒於濟南。家貧旅櫬。頗爲傷心。

我惟子識。子不我聞。閱子之文。辨特於羣。考子之年。日曙時春。聞子之死。愴然不已。子命朝菌。吾蹤雪鴻。無端之合。造此忡忡。

龍山慈孝歌

守將孤土。賊起民避。賊走鄉里。賊縛民。割如豕。龍山深兮山有廬。賊氛未及姑奔趨。朝看龍山雲。暮看龍山月。惟求父意歡。不計兒心竭。何日樓槍星。化作飛塵沒。飛塵滿山郭。樓槍有時落。賊向郭中喧。曷必山

中索。天言庸行人間略。頓以凶驚易歡樂。揭竿張刃到山居。子泣追呼父就縛。賊衆多如蠶。賊刃白如雪。兒言父老軀如鐵。我肉猶肥足咀齧。父呼宗祀何堪絕。兒有頭顱莫輕折。父子喧爭向賊說。賊羣掩面生悲咽。忽然聲嘯出林中。雲黑天昏山石裂。木葉狂飛水吹波。甲兵十萬鳴金戈。少時聲靜見天霽。人蹤寂寂空山阿。空山阿。賊羣去。孝與慈。千秋著。題斯室。揭君署。青於夭。矯生堂前。傳是當年爭死處。一樹仰而立。一樹俛而從。堂爲慈孝堂。松爲慈孝松。六百年來時代改。堂址荒蕪樹何在。精英豈令久沈埋。龍山山石生光采。慈孝家風世世傳。父曰宜修子曰然。屋三楹。室二筵。慈孝圖。慈孝篇。丹青畫兮貞石鐫。心血鑄之二十年。嗟乎堂成父不見。淋漓涕淚龍山前。龍山前。龍山後。龍山左。龍山右。慈孝堂成山不朽。

慈竹居有序

平湖朱孝廉爲弼之祖父。以兩兄累繫於蜀中。閱四十年。乾隆乙巳始得赦歸。有子一。孫五。皆婦高教之成立。今歲孝廉應禮部試在都。心動亟歸。而祖母已前卒。哀慟不已。以石門方君所繪慈竹居圖。索人爲詩。慈竹居者。孝廉養祖母處也。因其所說述而爲詩。

弟代兄繫蜀獄。婦代夫主家族。資兩地薪水足。教兒成。兒入蜀。兒又死。孫號哭。撫諸孫。教且育。四十年。夫始歸。去時雙鬢青。歸時霜鬢飛。去時兒在抱。歸時孫滿帷。歸來五載復死別。夫死婦病病幾絕。徙居北郭。間種竹。耐霜雪。耐霜雪。慈竹居。阿孫鄉薦登公車。去時大母餞。歸來不見大母面。哀哀血淚垂如線。吁嗟乎慈竹居。

琴歌爲楊鑑亭妾作有序

鑑亭以主政謫戍伊犁。至是放歸。

先生不歸兮。殯君之妻兮。哺君之兒兮。自甘長此別離兮。先生歸來兮。

兒郎偉有序

癸亥秋水溢隄壞。鳩工修之。種以楊柳。築者請爲歌以宣其力。

築隄築隄莫惜力。土嬉水怒塞不得。水不避土土失職。兒郎偉。築隄築隄莫惜力。築隄不成力不息。不如速成歸早食。兒郎偉。築隄築隄莫惜力。阿兄在南我在北。與兄合攏在此刻。兒郎偉。築隄築隄莫惜力。明日風吹雪如織。老父涉之僵且跌。兒郎偉。

兒郎偉。種柳深。深易生。兒郎偉。種柳多。生相爭。兒郎偉。樂交末。立蔑傾。兒郎偉。僂而弛。茹結縈。兒郎偉。修者節。風不驚。兒郎偉。岐者北。蠡者更。兒郎偉。肩厥本。壘厥莖。兒郎偉。守勿輟。握或擎。兒郎偉。萌舍下。升其情。兒郎偉。紹在顛。厥力并。兒郎偉。日寸積。月丈盈。兒郎偉。長若戟。短若纓。兒郎偉。陰蔽喝。利衆行。兒郎偉。波不溢。木長榮。兒郎偉。豐年屢。稱闕觥。兒郎偉。楊柳密。湖水平。兒郎偉。歲甲子。觀厥成。

蝗變蚊有序

嘉慶甲子三四月間。突有巨蚊齧人。相傳蝗卵所化。喜而賦此。

蝗來食我粟。蚊來食我肉。願食我肉。勿食我粟。食肉肉瘦人尙存。粟盡飢寒啼一村。田祖有神再拜謝。鳴

鏡擊鼓翳桑下。

黃鳥吟有序

有夫婦販藕者。爲盜掠其財物。劓甲莫肯爲力。飢餓夜啼。哀不可聞。爲按其聲而永之。時甲子四月。黃鳥自食粟。桑扈自食花。黃鳥自食花。黃鳥自有家。南山穀樹大於屋。兩雛呱呱夜投宿。大聲大笑出巢顛。鬼鳥如車食人肉。肉苦不可食。食我巢中花。歷過秋霜復冬雪。花上腥紅舌上血。黃鳥自食花。黃鳥自有家。有家不能歸。有粟不能飽。不願樹生花。只願不生鬼車鳥。

弔忠毅李將軍詩三首

黑水洋邊黑風起。妖渠竄脫將軍死。繫馬埋輪竟不歸。化作海上寒潮飛。潮去潮來萬驃從。咄咄怒與風伯認。莫招公魂。公魂不肯歸來。誓爲厲鬼殺狂寇。寇一日不靖。一日不回。

鷓鴣舟山月。蟲蟲衝冠髮。款款烈士心。矯矯將軍骨。白骨歸同安。英風而閩越。

擬殘形操二首有序

嘉慶戊辰七月。有人夢岳神決一囚。衆婦人擁睡之。所夢囚。果創發斷首。爾頭不中兮。天爲之修。爾頭不植兮。天爲之劉。狸旣爲狸兮。狸又何尤。狸知畏人兮。不知畏天。天奪爾魄兮。爾頭不全。狸戴狸頭兮。狸不知其然。

擬古諺

目注日景。不見其行。目注花苞。不見其信。肥瘦短長。不知己身。

杜弼

昔有杜弼。以潔繩物。陳之以兵。神喪語吃。我有狸奴。饕餮狼籍。笞而逐之。三返三斥。既逐既斥。羣鼠乃出。終夜唧唧。白晝滿室。乃思狸奴。求之中野。狸奴既歸。鼠不敢下。

酒興

一杯唇吻蜚蠊。二杯甘香勺藥。三杯濺濺作惡。匪苦無以甘甘。匪燠以無寒寒。天道有寒有暑。君子或出或處。雨久得霽。若親霽。霽久得雨。若珍。

卻梅一首示賣花者

昔人種梅。孤山之側。我非不好。憎此殘客。世多林逋。競買其白。我俗未獨。不知泉石。

友人贈金。無所用。購木。解其半作屋。其半作棺。或謂余任達。作此解之。

屋乃生棺。棺實死屋。用掩腐軀。曷悅人目。運死想即成。或觀我生。幽不明。謂一致猶近名。

鸛鵒辭有序

李生以紙乞書鸛鵒辭。不知何辭也。適柘巔鵒巢中二卵墮。色深青。童子曰。此鸛鵒卵也。作此以貽李生。鸛鵒鸛鵒。獨漉獨漉。乃鵒之居。爲爾之屋。鵒不爾爭。爾惟雛之鞠。爾雛既生。啞啞夜鳴。爾雛既多。不容奈何。

湖之魚有序

歲壬申水溢春麥旣沒秋又無稻冬十月湖魚頓生一夫日可得數十頭賴以不飢作湖之魚以紀其盛湖之魚其魚鱸鯊方之舟之鳩我室家湖之魚其魚鰻鯉泳之游之偕我婦子豈曰無禾我魚實多豈曰無麥魚千魚百有魚在笱何患無糧有魚入市何患無裳有裳不寒有糧不飢不寒不飢不良何爲旣乘其波爰授爾罟昨日號咷今日笑語長官不知尙賑尙予敬告長官我腹飽矣

筋骨篇

筋骨就衰神魄知本我夢我考康強善飯我夢我妣笑言於牀我嬉在側總角而婉兩目驚開音容頓遠輾轉於牀眠不可穩西風兩耳落葉半尺雞鳴膠膠燈耀月白我臂風痺左右揭擻白虎嚙人我疚孔劇我同我心其臭如蘭酣恬不已朝暾引丸駕丹者叟迓我湖干淮水正溢煙波彌漫北風吹人霜鬢生寒造叟之居於三十里殺雞爲黍見其二子長者吹簫幼者擊鼓飲以清醑式歌且舞

賣牛

春水曠麥秋水曠禾冬水洊至有牛柰何賣牛買舟射鴨中流賣牛買罟得鯉於渚牛食山人食水人不魚牛不鬼

買石

一石七尺吾嫌其孤泛刀於湖盡途之紆戴風而趨載歸四壘如腴如枯如巧如愚如耄如雛如同如殊

如人如吾。先光茶茶。轍轍區區。

伊太守挽歌

大清嘉慶十年。汀州伊君來守揚州。時揚州湖水漲溢。見水不見田。一君來撫之。州民獲全。去邪惡。表仁賢。吏不敢撓法。民不用詐譖。二嘗按部召縣吏。數讓旃決旃。爾犯法在不赦。下車傳傳自言。以薄責。省乃愆。至今胥吏恆述。斯實太守賢。三愚民吃菜事魔小。懲謹無良。民不敢復然。受君創者感泣。念太守德教。不以執迷軀命捐。四君以憂去。讀書山中秋水園。九年復出用世。過揚州。值溽暑天。體偶不良。牀第纏綿。消息理未盡。遂爾溘逝長眠。五始傳君復任。民喜如顛。聞君之逝。泣涕漣漣。述君故事。被之哀弦。六嗟乎。嗟乎。身疾病兮。陸里居。不遐棄兮。來魚魚。期會語兮。雷陂廬。戒僕夫兮。膏墨車。倚樓楯兮。臨清渠。笑言洽兮。雲氣噓。崇樸素兮。誅虛徐。此何日兮。五月初。風雨驟兮。煩熱除。臨別去兮。攬余袂。言不盡兮。情有餘。七九月。稟兮。霜天秋。送君歸兮。江之頭。人不見兮。江水流。魂歸里兮。清名留。嗚余好兮。心悠悠。八

與人論詩

未能植籍。且爲機岳。未能彭澤。且爲康樂。未能飽昭。且爲沈約。願爲陵信。勿步詢綽。雕餽易工。高曠難學。勿卑齊梁。其格非弱。古律之間。實爲之篇。

雕菰集卷三

顏光祿作織女寄牽牛詩。擬爲牽牛答詩。

列宿何繁繁。配惟予二人。尺素何淒淒。勸君毋泫然。二曜步孔稷。上帝恩亦頻。君姑事機杼。余姑勸力田。壬寅春雨雪。十數日不能出。客亦不至。轉以詩自娛。錄之。得十二首。

漬久地自透。錢鈍入亦深。梅花抱孤傲。植之依石陰。君能遠市味。風雪豈相侵。郁郁舊中酒。悠悠江上琴。春水煮春茗。其味香以輕。瓦溝瀉天液。喚僕移瓶罍。受小而委大。倏忽乃滿盈。浮漫宜早遏。不退將母傾。煨茶燒春雪。茶煙滿窗牖。帶溼然柳枝。綠雲儼在手。一啜清風生。妙味入胸久。阮籍嗟窮途。此際復何有。乘飽究書緒。心靜因神迷。手弛帙自落。垂首從斜敝。觸體亦何擾。萬藟亦何遺。觸案頓驚悟。神味來遲遲。甲整久不解。城池將爲夢。汲泉洗枯硯。次弟除塵氛。泉水淨如鑑。頃刻成烏雲。烏雲有時散。紅日有時曛。蠹墮匿蟪蛄。蕭室苦沈晦。挑燈惜膏竭。草短復將墜。風聲雜驢嘶。雪氣迫狗吠。獨坐思古人。擲楸知鬼許。驢老怯風雪。張頰長悲鳴。訥訥向人語。船作求食情。寒畦有野綠。裹以氈中杭。飽齧健足骨。吾將踏新晴。柴門向橋畔。漁人繫船立。訂校縫羊皮。風雪半侵溼。掀須發款竊。凝目待魚集。網起得蜺蛤。招手喚兒拾。雪密漬衣寒。泥肥藥田瘠。農人志在食。奚恤溼襪襪。一家分兩船。往來沿沙磧。飯熟聞婦呼。扣船歸蒨宅。晝晦午若酉。樹畔歸寒鴉。蕭蕭擲殘雪。紛紛飛墨花。近林必掠地。將宿先翬華。樂兮此雅志。避弋依幽遐。

邨人敬社神。懸燈若帆席。細雨透燈紙。燈光混紅白。朔風嘯空野。寒星滿春澤。婦子喜年豐。倚門話今昔。橋下水如夢。橋上雪如練。人過雪中橋。行行赴僧院。隔溪鐘磬清。穿林燈火見。枯坐懷孤禪。天人息交戰。秋水

同此長川流。入秋見殊異。鷗鷺樂閒靜。夫渠歇紅翠。平旦長吏心。古今恨人淚。莊生多達觀。大道此中寄。雨後憶田家景事

猛雨拂炎熱。晴雲澹天地。烏鵲柳下眠。邨老理田器。欣欣塍中綠。生意滿郊遂。白鳥時飛飛。小立破平野。牆破東南隅。青青竹與桑。呼兒姑編籬。其言頓且詳。牆下韭葉肥。泥溼蹴易傷。無稻腹何果。無蔬難進腸。鄰翁扶筇來。相見言依依。君家園中麥。曾貰無遲違。入市二斗餘。攜將百錢歸。阿甥爲牙郎。言值當尤微。橋畔溪水新。游魚咬芳杜。新婦單葛帶。結作漁家罟。榆陰生微涼。左右蔽炎午。稚子牽鳴蟬。飛飛怒鄰母。浩歌行飲李氏齋中作

上策或流涕。出關或棄繻。當時殊自壯。其意將何如。人生富貴卽無命。焉能坐致無趨競。得來卿相知何年。何如眼前行樂餘。聽天君家有酒香如梅。我來豪飲擎瓊杯。座上之客盡豪士。懽呼諧謔喧霆雷。君不見項下須蕭蕭。未必蒼仍烏。君不見杯中酒。長鯨吸盡斟還有。鷓鴣自啄還自呼。公卿皂隸皆同朽。君家太白曾云爾。古來萬事東流水。

朝從北門來。暮從北門去。來時共一心。去時分兩處。寒風著素秋。晨雞報旅曙。孤蓬草樹間。飛行悵神助。囊無綠綺琴。欲訴難徑語。嗟哉泉下人。徘徊發長慮。

題吳玉松太史雲除夕游山圖

忙者何日閒。閒者何日忙。誰道歲云暮。舉世宜皇皇。俗喜嚮喧熱。君意故冰鐵。此游知無心。披圖信風節。題黃宗易縣尉鳳長印譜作

雕蟲非壯夫。何爲事佔畢。白骨難千年。名字空稱述。溶溶吳水春。澹澹邗城日。爲我寫古懷。君有刀如筆。題朱敬亭郡丞械乘查圖

危莫危。乘枯查。險莫險。大海水。海水立萬丈。波濤發奇響。孤蹤渺何處。迷離入煙霧。變化看桑田。忘機識鷗趣。吁嗟乎。天上斗牛分。人間吳越路。君旣之乎斗牛。茲復來於揚州。試問曲江水。曾如天漢流。君不見。西海之查。星月挂。衡陽之查。作妖怪。查兮查兮。豈不靈。千年萬年皮常青。查中人。聽我一言。八月之望。織女一日一周。朝在北。夕在南。查十二歲一周。身經乎窈窕之窟。耳聆乎精衛之音。窈窕蠕蠕多如蠶。精衛啾啾愁不堪。查中人。何不乘桂楫。泛沙棠。紫微帝座光皇皇。三台四輔。正位中央。君乘雲漢之升氣。自東井。躡天潢。宿閣道。繞王良。倚魁柄。兮聯文昌。從輔弼。兮稽首天王。查中人。切莫效海上客。袖中空得支機石。

乙卯閏二月三日小滄浪亭修禊

灤水出西郭。北流成明湖。空亭面清漲。山色盈四隅。春半草木長。未與江南殊。岸柳著微綠。池鳧乳新雛。開櫺揖蒼翠。遠風吹煙蕪。良辰隔春閨。而月遙相須。使君發清興。少長邀與俱。余來詣山左。千里馳崎嶇。勝會值孫謝。風詠追沂雩。聚散豈有常。及時宜嬉娛。落日滿城堞。長歎沿歸途。

佛峪

朝從佛峪游。五步一回曲。縣厓愕人意。亂石躡馬足。窗收鐵角雲。樹接龍潭綠。安得李營邱。圖之饋凡俗。

龍洞

佛峪之西北。五里至龍洞。仰度不盈尺。躋入亦容衆。玲瓏百步餘。煙雲任迎送。巍巍公子樓。的的仙人壑。官柳

官柳

聖朝治盜之法。法天地。不以人治。以木治。山東劇盜。馬上來。橫截客商。商莫避。夾道青青植楊柳。楊柳成衙。觸馬首。千里真成草木兵。十圍詎出將軍肘。天鵝一啄。機槍落。飛鵝食椹。民懷樂。清陰喜見四方分。行人之得喝人托。今年游跡。而山左。車塵十丈。春煙鎖。舊枝老禿。新枝高。舊枝枯立。新枝裹。新枝舊枝。歲相易。來者去者。日千百。太平已久。路塵清。樹不邀功。自青碧。吁嗟乎。爲國之楨。報天子。道旁官柳。猶如此。

香樟

道旁老樟樹。不虞霜雪侵。幽香作花氣。紅葉盈春林。三五聚古墓。千百生遙岑。下夾綠谿曲。時雜青松陰。鵲鳩鳴朝風。旅人懷好音。當年爨下桐。斲作中郎琴。柯亭望不遠。秀色開煩襟。

烏篷

縮盈二丈餘，廣不足五尺。采績錯蛟文，烏油漫篷席。元衣而繡裳，篆車墨其鬲。牖戶時一開，秋鱗卻鰾脊。

江鯤柱

春從甬江游，海族笑初識。鮮荔未獲嘗，河魴此當食。每飯索庖廚，動疾說豈惑。桃花官渡春，漁師散網罟。萬里淨無塵，生民樂何極。昨聞孫將軍，奮勇殺海賊。

晚泊慈谿

泊舟待潮至，倚櫓望山色。落日散餘紅，陰靄裊微墨。一鳥投遙岑，羣艘列比翼。今夕餘姚東，來朝上虞北。

林庚泉歸天長，索余詩爲母壽

恭人姓熊氏，累世簪與纓。曾祖澹岡公，尙書班六卿。王父官翰林，宇內馳其聲。中丞爲之父，觀察爲之兄。嫁爲林氏婦，夫子司北城。御史互相劾，吏議當質成。阿姑年旣老，聞變豈不驚。旦夕病危急，醫藥須經營。囊無一錢澀，膝下聞哀鳴。恭人曰：「已矣。」旦晝思專精，寃者賴以白。病者且更生，恭人曰：「已矣。」返里偕南行。隱居西山西，曲曲湖水縈。秋燈課兒讀，春雨驅奴耕。謝家林下風，相對有餘清。乙酉迄丙午，家事艱支撐。況以歲荒歉，阡陌枯禾稊。食指旣煩衆，生養尤關情。有子曰道原，豪俠先知名。劍欲天外倚，對人肝膽傾。得與萬言易，放懷千金輕。黔滇蜀閩粵，萬里吟長征。西秦暨東魯，往來邛洛京。交友遍天下，聲譽喧鋒匄。慷慨論今古，叱咤吞鱣鯨。歸來見慈母，藐然如孩嬰。孝敬有如此，母教知可貞。恭人年七十，健不殊生平。

時誦釋氏書。借以怡神明。兒輩未可效。戒訓何純誠。余今客於越。相聚皆豪英。主人阮學使。誼爲恭人甥。庚泉前致詞。春莫言歸程。五月二日吉。上壽稱兄幃。學使述姆德。一一符鄉評。黟黟坐中客。各自抒華菁。余緣學使言。譜以和琴箏。

禹陵

曉出東城闔。乘舟探禹穴。溪勢極縈紆。山色信奇絕。紅垣峙巒曲。翠木抱危岵。巍巍窆石亭。石半已經折。上有古篆文。撫讀惜靡滅。浙東山水清。此獨標神烈。蹟古氣卽厚。心異境乃別。古陵多假稱。斯地非僞設。施施抒曠懷。凜凜執恭節。禹貢昔披讀。山經久校閱。潛處寄邈思。情性日迂拙。

同年哥

白杭州至衢呼舟子曰同年哥其妻曰同年嫂

同年哥。竹皮爲笠。椶爲簑。上灘不得如灘何。同年嫂。人言十五容顏好。容顏今共秋山老。家住蘭谿女鋪東。往來送客江郎道。江郎山接仙霞關。行人南去舟空還。還時經過捉差處。銀鑰繫頸當差去。垂頭典賣衣與釵。哥問餘錢嫂不語。

江山船

中廣尋有二只盈。頭廣周尺一尺胸。巨檣十丈尾上喬。男力如牛女僂黠。上灘校似下灘難。秋蚊負山蜣轉丸。下灘校似上灘易。雙櫓搖搖逐奔騎。新杭炊熟客加餐。小犬吠波老豬睡。

鷓鴣船

義鳥之舟曰鷁鳥。兩頭纖纖中亦小。遇石塞途努以肩。身有襖衫不校衫。整州水狹不容舟。賴此長驅入
宵襟。或云此類姦宄藏。每於月黑行探囊。不比大船巧於取。劫掠惟以溫柔鄉。君不見西安渡口叫孤雁。
船頭新立旌貞坊。

由蘭谿至金華道中

終日但紅樹。奇觀快初獲。迎人發春采。萬鶴攢丹額。偶然見蕭疎。星星數點赤。王師殺匪苗。人血滯戈戟。
回轉入隅曲。炊煙聚茅宅。間有橘柚黃。亦雜櫻欄碧。風雨起前村。胭脂惜狼籍。葉盡柏子垂。千株遙遙澤。
乍驚桃落花。又詫寒梅白。

喜舍弟歸自太原

吾弟意脫略。有氣無黃金。奮往忽甜苦。心可形不禁。脉脉遠游子。十載無歸吟。高堂互相念。夢語喧寒衾。
閉門寄妻子。對人粧顰暗。使人骨肉合。曷憚風霜侵。洪流決曹涕。阻滯舟淮陰。兩月伴老困。笑語消秋鐔。
才得就京邸。蹤跡占鰲參。井陘石若鏐。朔氣橫蕭穆。三更逐驃脚。叱咤防姦壬。驅車到陽曲。卸任方開襟。
君整合歡酒。我彈歸去琴。素鮮壯游癖。山多耐登臨。所來爲君事。事畢甘浮沈。來去六千里。往返無機心。
幽燕少年志。束髮久相欽。任俠滿河汾。交游誰古今。肝膽在澹泊。人言空淺深。我昨自太末。歲杪還舊林。
家書適遠至。撥火探離音。澹墨無數行。道德相規箴。自言時悔過。詞氣何悁悁。我父昔在日。仁義懷璆琳。
爭心息雛驚。道力穿重樞。蓋棺察里論。賢愚稱棠忱。吾弟得遺意。我愧言同岑。勉哉勿蹉跎。一蹶艱追尋。

平渡大河水，失足汗牛涔。

題黃次和雙橋一石一梅花圖

雙橋之間室如斗，我來吟詩索君酒。幾年君我江湖走，太翁七十鬚眉白。竹杖屨輕對庭客，今來空見階前石。郎君十五神仙骨，寒嚼梅花詠明月。梅花寂寞郎君沒。

題汪飲泉林屋幽居圖

君生廊廟器，何以懷山林。才遠絕爭意，古人多素心。我家南湖南，寂寂無塵侵。欲招作鄰里，晨夕同高吟。春鳴待晴棹，寒竹容鳴琴。昔年良友約，結鄰棲湖陰。其人既已沒，舊話難追尋。

歙縣方雨村贈紅豆以詩謝之

與君謀面初，贈我相思子。人生多別離，念念長如此。靈根數畝滋，君家故園裏。云植百餘年，華實乃兼美。厥華霜雪容，一縷紅須倚。三載實方結，棣棣角相抵。實老紅亦堅，又必三年始。豈無旦夕成，春風熟桃李。豈無易合交，瞬息異生死。莫謂成之艱，樽蒲非所齒。不解長相思，一室自千里。

阻風燕磯三日病滯下甚劇

前年乙卯秋，阻風泊江口。假此愜游志，歷徧衆山藪。今秋復阻風，疾病蹇行走。臥數蟲鳥音，自愧強閉口。夕夕怨風鳥，時時疑岸柳。柳枝有折痕，別離送未久。白門秋色佳，羈留亦天厚。人病思室家，此外復何有。病愈有作

待月轉風雨。寒庭立幽閣。移步值枯葉。葉破響驚膽。百慮頓消滅。叢柯見苛慘。

天界寺

昔年展誦青邱詩。天界佛寺名乃知。洪武創業造此寺。徵辟名士時居之。我游金陵十一次。今年始獲到此地。壁破猶存龍鳳文。門扃疑匿狐狸魅。草深覓路問村娃。老僧赤腳迎供茶。小樹扶疎出檐宇。滿階不見辛夷花。

自平望之崑山

闊處渺無際。窄處兩岸逼。一闊間一窄。自然成消息。我從平望來。歧路入旁側。是時仲冬夜。水月共一色。開窗而寒漪。風氣觸有力。煙霧頓蒼茫。舟子路不識。泊舟菰蘆中。月落水光黑。高臥待天明。夜永曙久匿。夢中聞伊呀。舟人喧早食。推篷一遠觀。崑山塔在北。

邳州渡

邳州渡闊幾丈。岸斷橋摧水聲響。右船渡人不渡車。驅車欲行仍徐徐。水深路沒行不得。以錢買路路乃識。月落雞鳴火數叢。馬嘶人語煙波中。鞭馬上岸馬力窮。邳州渡渡實難。聞說新來好官長。禁人掘橋掘者杖。

吳玉松太史言刑部戴金溪嘗道僕所著書。明日至鐵廠訪之。

四十始入都。自怯時閉戶。一二舊交外。未敢強與伍。戴君久聞名。學識貫今古。何以知鄙人。神交托肝腑。

我居柳巷南。與君隔數武。晨夕可過從。嘉言藥愚魯。聞君性在書。力學耐辛苦。退食卽冥探。不自知簪組。儒生一登第。文章等糞土。遂令仕與學。判若農與賈。子產吏之良。博物昔所取。長安冠蓋區。酬應日旁午。勢利誘我心。不絕已如縷。何以操吾真。舍經莫爲主。讀律不讀經。終非堯舜輔。聞知性在書。於政豈小補。

塵尾

疲驟非驥子。附尾多飢蠅。幸有塵在手。不容頭上騰。取與幸無礙。卑賤亦自矜。好雨東南來。晨涼葛不勝。旣令塵氣匿。又禁炎威蒸。放手且酣睡。一夢清如冰。

泊車邏

人言下水速。無如風打頭。況以長江船。行此運河流。車邏一夜泊。白鳥飛如鷗。入舟食人血。揮去旋復留。門窗待天風。軒轅垂珠旒。片月東方生。青草光油油。屈指到家日。將及仍逗遛。非關人智短。造化難強求。

鰕魚口

才過露筋祠。又入鰕魚口。舍去大船乘小舟。一湖菱葉橫魚罾。雨後湖田早稻肥。田邊野鳥見人飛。農夫相見說田事。不問長安幾日歸。

村居草木詩有序

昔江淹遷謫閩中。作草木頌。蘇氏園中草木詩。亦京師倡和之作。壬戌六月。余自都中歸。閒處靜觀。別有所會。撫時憶昔。感從中來。亦得十一篇。偶同於蘇。實非效之也。

客游亦云倦。歸家值長夏。槐老舊枝歇。新肄復盈把。愛惜不肯修。時時墮檐瓦。無名青草生。參差沒人課。湖莊遠市城。門外無車馬。

幼女種秋葵。葵生正盈尺。葉才鴨腳舒。秀立見風格。摘葉令婦烹。清香發嫩碧。昔人盤中餐。難語食肉客。吾愛向日誠。開花宜倍惜。

竹老笋不豐。新篁苦短瘦。當窗綠一叢。涼氣生晴晝。晨起翻古書。陰陰益神秀。惜乎蒿與藜。相雜且爭茂。持鎌絕其根。蒼耳刺滿袖。

去冬程先生。貽我芑蘭圖。爾雅幾回讀。細驗囊中茶。吾村多此物。柔蔓綠牆隅。晨起度枝葉。頗與圖中殊。化機任天地。形跡真難拘。

臭樹花實香。或以名棄之。傷哉耳代目。抱質空自知。衆惡我必察。不令鉄鐵施。花開簇紅玉。一棟數十枝。折向膽瓶中。人擬天桃姿。

藪草北堂發。見之憂乃忘。勺藥不堪贈。籬畔開青棠。南風來悠悠。風中挾幽香。靜坐得天性。萬物同相羊。及時足怡悅。多事懷秋霜。

栽柳二十年。酬我綠深深。主人多遠游。閉此溪上陰。流光迅如電。人老木成林。幻影歲更易。舊迹焉追尋。打起枝上蛸。嚙嚙煩虛襟。

先人好花木。手植半零落。我憶垂髫時。爾讀不知樂。窗外三老梅。風雪破寒萼。旁有百尺松。孤峻入雲幕。

枯根不忍去。相思影依約。
尚有木蘭樹。扶疏勝於昔。山茶老而豔。初春鬪紅白。海棠有子孫。新條抱蘚石。六月衆花過。翠葉亦清適。叢桂何耽耽。豈惟香可摘。吾族聚一村。四圍擁喬木。屋瓦密相次。家家稻梁足。迄今三十春。丁口日消蹙。雖言命運艱。亦爲廢耕讀。舊屋無二三。檀伐惟存穀。荒園不成式。先業未移更。自昔無梧桐。梧桐多秋聲。祖宗世仁厚。接物全春生。後人永宜念。莫愛朝菌榮。良木自不腐。何爲口舌爭。

阮中丞得陶陵鼎。送置焦山。邀同人以詩賡之。作五言一首。

險廢鼎之鄉。陶陵鼎之國。自西而徂東。祝事薦鬼食。歲月既久遠。深泊不得息。所歷知幾家。主人今始得。琅嬛仙館中。摩挲辨古式。平湖朱孝廉。考古有特識。定陶亦稱陶。泐水逕西北。將軍大司馬。送葬奉上勅。定陶共王陵。官廚器不蓄。此鼎汧所供。有據匪私臆。僉曰鼎幸哉。得依主人側。主人曰否否。萬事不易測。我生保護之。子孫難世德。萬一鼎失所。我心能無惻。爲鼎計久長。窮思周四極。焦山江海間。卜之蔡食墨。筮人諏日吉。飭匠備裝飾。匱以文木雕。衣以古錦織。設醴衍嘉賓。酬酢日西昃。人各譜新聲。工歌壯行色。從此鼎入山。煙霞自深匿。評議任游人。永勿墮貨殖。鼎身廿一鑄。鼎蓋卅五刻。陳列非一枚。消磨歸朽蝕。悠悠二千載。獨傳豈人力。寄語山之僧。晨夕慎瑩拭。文王舊鼎存。與山同不泐。此地無譁囂。相從守元默。

田家

春晴未耕作。邀我聽新鶯。小舟六人坐。泛泛隨波行。相去僅二里。屈曲成遙程。舍舟入蓬室。環坐杯頻傾。園蔬味真妙。笑傲忘隱名。谷風東南來。吹雨作寒聲。可無皂隸至。歡飲到三更。

治平寺

我居湖水南。閒行水之澳。四面波如煙。屈曲達僧屋。巍然一殿存。佛龕飛蝙蝠。破垣倚孤墳。棲遲供漁牧。僧詎耐荒寂。扃戶去不復。鄰家見客來。煮水潤枯腹。此寺肇自唐。此地本平陸。南北爲通途。千家聚邦族。桑田旣成海。周環但水複。東望露筋祠。煙波隔春木。孤帆覽社來。森森接淮濱。吾居咫尺間。蹤跡徒鹿鹿。今年爲此游。自謂有餘福。陰雲連湖波。昏黑忽蔽目。欲探壁上碑。手摩不能讀。

石坊

石坊立墓前。樹伐石孤立。疴癢任牛摩。糞汙任鳥集。偶爾乘小舟。曲從小澗入。迤邐至墓前。向墓謹長揖。凝眸辨坊字。字上苔花澀。葵心郭隱君。不仕無官職。曾爲鄉飲賓。高風重邦邑。吾里俗故淳。耕讀各安習。願勿見異遷。野稊雜嘉粒。先民有遺德。光輝長熠熠。

登甘泉山

南甯登會稽。北亦瞻泰岱。惟此甘泉山。若彼皆不逮。豈真較彼高。近我則偏愛。三月旣生霸。隨意約同輩。十里沿溪行。由面達山背。野鳥餘春聲。青松作閒態。巍巍靈雨臺。四望目無礙。湖光遠接天。桑田繡其內。

金牛一點煙。北固澹如黛。前人未品題。此山乃韜晦。或云斗之精。七峯與天配。山神不受諛。不必向山肆。山根有人家。竹籬聞犬吠。

薤草

一月不薤草。當門如亂絲。呼僮急芟盡。莫使稍留遺。猛雨至如箭。秋花皆傾欹。乃知花本弱。賴草相扶持。賴草相扶持。爾花安用之。呼童亦拔去。讓月鋪階墀。

夜渡朱家湖迷路入畢家洶

舟子不識湖中路。強意勞勞入煙霧。家住湖西舟北行。問之不得言其故。是時月黑東風狂。猛雨如箭斜入艙。魚蘚遏波作八陣。盤桓欲進悲羊腸。草邊漁父正酣夢。簪箸作枕手抱轡。此地從無估客來。夜靜何爲成市閩。向前拱手問所在。指點垂楊見高塏。性定雙眸頓有光。東西南北原無改。

奉和董晉卿士錫湖上對月詩

撾毬上楊魚入几。漁舟鱸泊柴門裏。三十六陂連一湖。對月吟詩董夫子。夫子家是毘陵人。一經授受來湖濱。盈虛欲向望舒問。瀕洞忽逢馮夷噴。蟾光四布無遮障。琉璃一色鋪秋浪。閒時放艇老樹顛。稻田茅屋居其下。吾家住此五百年。屢憑異漲居不遷。湖中風俗舊淳厚。吾田雖沒吾天全。湖上年年蕩洪水。波光月色明千里。續君高歌別有哀。人心風浪何時已。

先人手植山茶。向時左畔生一小株。二十年高五尺許矣。其右又生一株。越五六年。高二尺。今春開

花殊可人意。

誰謂難養如其蕃。不惟有子兼見孫。大者高過屋。次者齊牆垣。小者二尺許。艷艷連一根。稱爲兒女花。信手非浮言。今春春寒放花晚。左枝先發隨朝暾。杏花已落柳花白。倏然秣韎輪堆盈盆。或云此種號鐵殼。兩花儼足聯雙璫。他種花期可人力。惟茲開落皆天恩。永昌二芳記其盛。品題我亦符南園。猩唇犀甲任比例。後凋宜同松柏論。萬物多態卽多媚。此花深厚能久存。初開適丁海棠醉。末後尙及紅藥翻。風雨摧折侑滿地。顏色不凋苔蘚痕。古人愛菊愛蓮不知此。太息對花浮清尊。

賣花人以野卉一叢見遺。花類牽牛。葉似杏而有齒。伊云紫金鍾核之。乃桔梗花耳。

日日服藥餐草根。見花見葉不相識。花傭詭譎隱真名。檢徧神農經乃得。市人但詫形色奇。豈知治肺有神力。凭闌對花拭倦目。隱見無常詎花獨。市中女子知韓康。階下繫囚辨張祿。射策空傳任賢輝。吟詩那有羅公福。

叢竹中植紅薇十數本。長夏盛開。

春花多豔不能久。秋花能久豔不足。夏日烈烈赫如炙。海棠桃杏葉銷綠。紅薇梢頭初破紅。輕綃縐出搖薰風。七縷斜牽一趺繁。別致不與凡花同。我品衆花此第一。奇麗鮮柔靜雅逸。生長籬落知者誰。野女攀折老癡齟。鄭重移來修竹間。幾叢絳雪翠雲環。木榻夢回枯眼豁。茗鑪煙細午心閒。心閒眼豁疏闌畔。日影東移啼鳥換。朗誦樊南集裏詩。一樹濃姿獨來看。

讀易有悟忽聞竹中鳥聲

盈虛消息相爲根。自然升降無有痕。酷熱不雨萬牛喘。獨臥北窗無人門。鳥托修簷不知暑。呢呢嬌啼小兒女。竹牀茶竈午風清。拋卷移神聽爾語。天機一一靜中生。不辨辨之旁通情。彼適作聲此適聽。清濁柔厲皆時行。非閱陰符及莊老。迹象幽元趣枯槁。抱一終爲一所鈴。牢籠萬態惟蒼顯。

擬古三首

絲黑不復白。髮白不復黑。去曰積何處。流光不知息。孜孜讀道書。或哂費日力。冥思入三微。苦志迓五賊。乘墉義弗克。惟困乃反則。

葉繁發華小。葉盛成實稀。造化有消息。君子宜知幾。富貴徒百年。子孫嗟式微。淵哉札八兒。獨能明其機。根本辨澆厚。情性何是非。

雪明不若月。月白不若雪。雪白乃易緇。月明恆見缺。優優惟大圓。萬物有無別。隨性爲浮沈。權境變酒血。鄭圃禦寇居。東海魯連節。固哉檄駒株。硜硜石之矸。

兩君詠有序

江都黃春谷承吉。甘泉李濱石鍾泗。年相若。才器亦同。皆善余。乾隆壬子癸丑間。時共詩酒。晨夕相見。乙卯後。余餬口四方。踪跡少疎闊。然歸則必聚。嘉慶辛酉。余與濱石同舉於鄉。乙丑。余丁內艱。旋以病自廢。而春谷於是年成進士。作令於粵西之恭城。濱石以丁卯春入都。落魄不能返。今年沒於京邸。春谷亦以

事罷官聞而慨之作兩君詠

造化鑄詩魄。一官遠南征。南方多木客。其吟幽且清。簿書日力餘。唱和成奇聲。五載恨離別。幻念增遙情。灘江春悠悠。爲君籌歸程。糠粃殊自慚。離索安農耕。懷人向湖月。矯首時孤鳴。幸哉何易于。可之揚其名。柳州文自雄。遷謫豈爲榮。歸來作詩人。壇坫無主盟。相對鬢如雪。雄辨猶平生。

右春谷

君死在今夏。死別當前春。君志邁鵬鷃。我病羞滄巡。晨夕昔與共。存歿今殊倫。一棺二千里。家世徒清貧。孤雛未識字。伶仃稀昏姻。旅魂長不歸。跋涉終何因。我生善齟齬。君我獨相親。尊親白髮垂。雞黍爲我陳。尤與阿兄好。阿兄天且仁。江南草樹秋。送我江之濱。吾弟弱好弄。勿憚口舌頻。歸來阿兄歿。雁影孤風塵。壬戌同北征。抵足棲雙輪。鈴聲晃燈影。歌泣皆天真。夜起憶往事。矍矍須向晨。公達果先亡。門戶依何人。

右濱石

足疾

水涌夏不暑。賊寒寇我足。將學野鷺拳。傑僂一水曲。悲哉褚彥回。不見邱靈鞠。

題阮梅叔亨珠湖漁隱圖

十里狀若掌。草堂在巨擘。四面圍湖波。一棧達方宅。山光入樓蒼。帆影隙樹白。左右多漁家。往來但田客。本無車馬喧。洵乎塵囂隔。

古者士大夫子弟授田耕。貴者不忘賤。耕者豈不榮。與爲執紼兒。願爲鄉曲英。兄貴弟驕佚。識者譏爲僇。兄貴弟隱退。舉世稱錚錚。非真好漁釣。少豈無宦情。方在田野間。凜凜時戒盈。處求學業積。出輔大化成。所懷在道義。猷畝猶簪纓。

記得一首哭汪孝嬰

記得秦淮上。與君初結交。君思入淵窾。余性非勦鈔。邂逅臭味合。情誼因投膠。記得歲丁巳。與君各家居。探蹟析疑滯。千里憑尺書。記得長江頭。阻風維客舟。君從蘆中來。月上方如鉤。記得余在京。君向六安去。有客賣書來。超超見元箸。知君學力深。孤詣絕欣助。君身清且羸。歐心爲君慮。記得癸亥秋。課農納禾稼。君騎匹馬來。訪我田間舍。記得丙寅春。初月二日吉。君來十日留。縱言集一室。放船風雪中。清興邁古逸。是年余在城。與君隔數武。記得余注易。得卽貢君覲。君爲施丹黃。直諒判去取。是年夏秋間。君往測海水。記得與君別。送君東門市。明年君入都。信宿揚州城。晤君一夕譚。明日君長行。君主大金吾。進君修國史。書成授校官。吾聞爲君喜。記得君書來。示我黃山記。云得王孫鍋。辨識古篆字。明年又書來。追溯昔年事。漉酒烹鱗鱗。嘉貺念亡弟。亡弟墓草生。沒世已五歲。記得開君書。芄蘭橫泗涕。癸酉秋試後。余季偕君來。余以腳下痛。相見遂遲回。孰知返棹去。未幾歸泉臺。泉臺歸一載。余尙未聞知。聞知有凶信。傳言余尙疑。續溪胡孝廉。竹邨君高足。狀君上史館。移書向余屬。開讀胡君書。悲君真不祿。親老兒幼孤。何以繼饘粥。官冷況清高。瓶中久無粟。脉脉爲君思。淒淒爲君哭。從此秦淮水。思君不忍游。從此豆花下。蟲語聲啾啾。

思君對飲此。不忍獨持觚。思君風雪中。不忍泛輕舟。不忍開舊筍。愁見君手跡。不忍上小亭。上有君書額。記得前年書。問我注周易。周易稿未成。稿成用請益。今年稿寫成。何處續君魄。君魄果續乎。燈花夜幽碧。

冬日雜吟九首

窗外曜靈發。几上蘭膏眇。引扇息蘭膏。滿室見天曉。攝衣出庭除。天光動雲表。友犬鳴庭葉。僂雀闢霜篠。亭午方罷餐。餘霞上林杪。

乘車赴寒垌。道旁陳人宅。歲月稽栝樞。富貴繫碑石。游魂森何之。假借著形迹。形迹焉久存。青青生宿麥。古墓犂爲田。古田築爲墓。消息如川流。逝者誰能駐。村媼無是非。抵掌話今古。村老無禮儀。酌酒辨賓主。捆蕘障隙風。倚柯運齊斧。計歲爲饔飧。方寸絕城府。隨序樂有餘。自食力勤苦。

勤苦在祖父。游惰在子孫。粗糲日以厭。視聽日以昏。既恥樸陋見。鮮服行市門。市門無藉多。交結爲攀援。惟翮飲博豪。不聞田舍言。田舍一朝盡。單子無饔飧。

儒者崇空虛。聚徒說心性。莠民亦效之。左道干法令。食芹莫食蛭。食蛭生疴病。事儒莫事魔。事魔絕身命。大道若路然。孝弟重百行。烹肉養尊親。殷殷告衆姓。

有客游京師。謁選將親民。問我將親民。親民將奚先。我久事躬耕。所悉惟耕田。植苗須及早。鋤耨莫待老。耨耨老良苗。稀植早粒堅。好養樹當柔條。教兒當懷抱。

負販不得意。白頭爲蒙師。茅堂僂背入。窗紙明朝曦。童子六七人。課餘相爲炊。瓦盆燒枯桑。一屋春熙熙。

珠盤粟米習。雜字勞薪宜。捫蝨壽不倦。安用風雲詞。

白雲幕寒月。開門乍翹首。不見雲東行。卻道月西走。長河已西落。無復箕與斗。參伐乘南檐。肅氣生觜口。夜永不肯寐。秉燭觀短書。神鬼雖寓言。感人何悽如。經史殊謹嚴。難以徧里閭。著述重懲勸。苛細分誠虛。癡衲念疇昔。親故來徐徐。叙論猶平生。形骸未覺疎。雞鳴高樹顛。驚晤增歎噓。

冬煖作

風輕聽冰雪。雨簡見沙斑。渾是二三月。卻忘四九天。袒裘摘梅葉。開帘放爐煙。草綠竹籬下。日赤紙窗邊。太歲度尙賸。青陽驂疾還。前夕凍方滿。今晨雪未慳。嚴肅頓銷斂。和仁竝昭宣。愚儒辨勝復。天意重生全。問魚延飢歲。種麥耕荒田。

後湖觀打魚歌

秦淮水淺白魚貴。主人爲客具鮮味。賭酒樓前客醉多。打魚湖上人歸未。昨日雞鳴山寺登。北窗開共老僧憑。蓮葉田田雜漁艇。蝶螭蜥易行苔塍。

雕菰集卷四

春日新晴

雨歇楊橋後。春從晴處加。元駒歸砌穴。黃犢臥檐牙。燕捉風中絮。魚吞水上花。鶯簫聲喚過。窗外夕陽斜。

己亥金陵道中

紛紛謁燕競如何。只有秋光極目多。水向客船飛白馬。山迎人面點青螺。六朝故蹟千年在。百里寒江半日過。一枕西風吹入鬢。曉來壯氣幾消磨。

九日

此日宜持吏部螯。吾家賸得是牢騷。人非陶令何須菊。詩勝劉郎不在糕。兩岸風聲催塢葉。一天霜影醉溪毛。藥爐茶竈蕭條甚。枯坐頻將短髻搔。

姚仁和百歲

誰訝雞窠事未真。村中已有百年身。能譚三世以前事。不見少時相與人。短髻插花猶帶黑。布袍補線卻安貧。竹筴到處春風暖。坊表宜邀帝澤新。

戊申元旦

絲雞蠟燕俗相仍。備物吾家笑未曾。老去梅花多似叟。薤殘柳樹半成僧。經綸嬾話晁家令。風采誰摹張

季鷹兩甕屠蘇十日醉。酩酊也博酒徒稱。

訪鍾保岐簡

離羣何自滌疵瑕。訪友城闌夕照斜。滿案亂書同我癖。迎門秋柳識君家。信知著作身堪等。須趁頭顱髻未華。爲問鏗鏘說經語。可能分與伏虔車。

答詩

鍾懷

久欽著述足三餘。未許登龍轉恨如。前日幸來張霸宅。有人取去茂陵書。一瓿饋後還應速。十挺將時望豈虛。若得石倉窺祕奧。焚香濯露閉門居。

舟行

江南又秋矣。來此亦何依。仰聽百帆嘯。眠看兩岸飛。蕭蕭客中髻。浙浙肩上衣。啓窗望山色。夕陽淋翠微。題攝山僧寺壁

所爲本雞肋。來斯意益枯。石留雲影靜。松護月痕孤。豈尙繁凡念。殊堪息病軀。佛龕燈火碧。長坐對檐甌。哭顧超宗

翹首徒然問太虛。心君幾次淚沾衣。一生辛苦但謀口。半死沈吟猶讀書。果是奚囊病昌谷。恨無遺頌出相如。早知才大嬰天妒。也臥湖濱作老漁。

十年相處作交游。死後丰神想處留。傲物每張青白眼。養親時作稻粱謀。更無議論來雙耳。尙有譏言到

九幽。自是衆人皆欲殺。而今猶未慚心不。
輿尸兩世尤堪痛。白髮衰親正倚門。半榻殘燈橫病骨。一湖寒水隔秋魂。縱然命蹇何應死。說到名傳豈
易言。郭有道碑吾不愧。文章今且爲君論。

寄阮芸臺孝廉

人生不易聚。相念爲多疎。四五年前面。三千里外書。期頤山上鯉。富貴水中苴。努力事傳述。此堪比太虛。
江邨二首。寄城中諸子。

舊橐攜來兩卷經。江邨聊自寄吾形。風催帆月流窗白。雨帶山煙入硯青。晝永只聞羣雀語。林深時有片
雲停。年來益老漁樵性。愛傍幽閒自醉醒。
橋竹林花絕市塵。又因坐靜覺情生。大江來去舟何定。良友別離杯獨擎。屋上鳩聲愁夜雨。梁間燕子愛
新晴。幾時共買平山棹。盡取詩人一一評。

嘔血

病魅何爲忽我侵。丹霞冉冉出胸襟。爲多輾轉猶難死。別有膏肓尙未鍼。不見項瘰成左癖。幾人身痿作
書淫。山妻對此休驚怪。紙上編爛吐到今。

答朱休臣

從來在母重知名。慚愧齊竽逐隊行。狗曲怒嘗逢博士。龍頭句敢壓彌明。聞雞野店君先舞。種樹重堂我

未成。莫道珠光爲科目。秀才胸次有蒼生。

原作

朱士彥

租驢博士鎮相逢。被酒何人識乃公。坐擁百城胸列宿。行吟七字氣成虹。大兒文舉今安在。老子韓非傳許同。甕社蚌珠知有意。相期攜手鳳池東。

內人三十

鴻萊風味可追尋。聊向秋花酒共斟。七八年來忘我困。三千卷裏託君心。內人實銀耳買書百餘種綠葵紫萁勞烹飪。布襪棉裘費剪紵。爲笑良人多賤骨。不妨姑效白頭吟。

秋居

田事已半畢。秋居知適然。豆稀遙見兔。柳落靜聞蟬。爽氣開眉宇。閒心生暮天。自甘陶令拙。才效子雲元。枯坐識物理。吾知豈有涯。鳥飛窗閃日。魚上水生花。勞瘁覺仕路。清虛憶道家。聖人難謬托。吾自繫匏瓜。

枯坐

董子祠

時兩淮總院董公塔新修

薨瓦碧參差。巍巍董相祠。學超三傳外。鬼辨六朝時。幔古飛仙輻。廊空穴細蜺。昨聞檄修葺。遠邇慕經師。

琴

吟到無聲處。心平指亦柔。舉頭窗滿月。傾耳室生秋。至味詎難得。俗懷終遠不。鄰人發深省。獨起坐寒樓。

老將

百戰功成後。將軍已白頭。袒衣觀箭迹。把酒話兵謀。塞骨悲同伴。山碑聽永留。封侯少年志。疎雨灞橋秋。

贈邱縣劉松嵐明府

忘盡宰官身。風流賀季真。詩情山石瘦。人意水雲春。值此太平世。皆爲堯舜民。無容效龔遂。談笑卽經綸。

秋暮

秋暮日半落。暝光上竹亭。蕭疎風後葉。明滅雨中螢。獨坐向階砌。冥思得性靈。五年斷杯酒。今夜覺初醒。

雞鳴寺

山頂結伽藍。登臨性所耽。一湖低檻北。萬竈疊窗南。鬼嘯臺邊石。僧眠閣外龕。鐘聲鳴不住。日影下煙嵐。

大疫室人幾死。弟復感之。不寐作此。

壺內三更盡。胸中百感消。劍寒謀殺鬼。樹落怯鳴梟。仗酒謝愁鬱。攤書作寂寥。連朝陰雨溼。倚壁坐秋宵。

追詠九日二首

九日過不覺。於茲已二旬。茱萸空入藥。雞犬自成春。病骨幸能健。荒年豈獨貧。醉醒皆野馬。無酒亦何嗔。歲死逢陽九。唐虞固值之。疫深驚夜哭。穫少慮春飢。案有書堪讀。胸知命不移。桓家本無故。焉用入山爲。

幽居二首

幽居怯拜迎。獨處正怡情。對雨琴聲暗。看花酒念生。簷光尙殘臘。詩思欲新晴。漫道隨時樂。非真卽好名。

病後惟嗜靜。閒中亦廢經。佃農知候雨。兒女競譚星。細鳥無端聚。垂楊有意青。學疎焉足用。未敢志公廷。
露筋祠

曉開八閤鋪。莫宿露筋祠。此去一千里。離家十二時。冰聲過船激。燈影出林遲。高臥待春色。小邨霜滿茨。
汜水

秦郵過未了。汜水石堤邊。湖鳥下寒堡。村戍吠夜船。苦吟得新句。微醉覓高眠。爲不離鄉慣。縈縈客夢牽。
漁溝

漁溝三十里。南望隔河濱。猴影出寒樹。車聲入暮塵。平原任馳目。陰壑未知春。道上多豪客。揚鞭不問人。
陰平

曉入陰平道。行行正早春。度溪鞭馬急。計里讀碑頻。舊俗憶鄒魯。荒墳辨漢秦。嶧山過不盡。日影落寒津。
西旺

四圍山色裏。小道入東昌。碎石鋪爲屋。枯苗疊作牀。戰風燈影亂。回夢柝聲長。布被眠方穩。驢車催又忙。
長山途中寒食

細雨密濛濛。斜從撲面風。不堪寒食節。況又客途中。草襯新墳碧。花攢遠塚紅。青州明日到。酬酒奠喬公。
朋友

同作

孫詔

七度逢寒食。勞勞總客中。人行滄海右。夢繞大江東。珂馬蕭蕭雨。春衣側側風。小山桃杏在。應傍故窗紅。

青州五首

駝山高入海雲中。地轄三齊本自雄。古冶墓寒春草瘦。蒲姑城晚夕陽紅。千年遺事餘鴻爪。萬里浮光到馬瞳。昨夜老楸花下宿。夢魂何處覓愚公。

丞相園亭鎖院西。雲門山色遠成隄。苔階木老龍蛇臥。石洞煙深鼠雀迷。國有名儒平衆議。家多令嗣與人齊。白羊青草渾閒事。舊話傳來共品題。

籬下何人肯寄居。停車再拜趙公廬。牧之自不宗長慶。康樂真能創永初。此日河淮流正合。當年蠻觸戰無餘。寫神刻骨俱千古。太息談龍一卷書。

偃師奇士老經生。葵萸蕭條駐此城。北里頓消淫女曲。南牆誰買令君名。指揮渤海翻波色。談笑牛山落葉聲。我爲懷人尋往事。范公祠外祝鳩鳴。

顏監文章脈未刪。掄才喜值趙閑閑。靈蛇珠老俱仍網。赤豹春深盡露斑。客夢昨繁金嶺鎖。車塵遙望穆陵關。壯游明日蓬萊去。又與仙人共往還。

登州雜詩四首

車驅千里外。地極九州東。平朔月痕見。當頭斗柄中。風聲喧日夜。蜃氣出青紅。欲拜田橫客。淒淒墓草中。

海氣作寒煙。登州四月天。大魚鮮入骨。高樹綠猶拳。夜火烏狐戌。腥風黑虎泉。三更人語寂。坐擁舊青氈。地僻濱於海。民風益見聞。喪冠常日戴。僵骨早年焚。婦女都能織。生徒半善文。當年轅博士。詩教有餘薰。聞道蓬萊上。金銀舊有臺。白雲仙市合。黑豆賈帆來。嶼色連朝霧。濤聲走迅雷。登臨一憑眺。搔首獨徘徊。江定甫贈刀作詩酬之。

孟勞聲裏見霜鋒。練影森森出數重。有客丁寧休鍛鶴。幾年辛苦學雕龍。武城雞擾傳良吏。渤海牛眠羨老農。我乏瓊瑤酬未得。敝裘羸馬鎮相從。

答詩

江安

南州無夢入中宵。折盡歸心客思遙。持贈意無文璫隱。善藏語愧漆園超。百金我豈勞裝飾。七字君真費鑿琯。篋裏寒芒飛去後。卻添麗句勝瓊瑤。

寒亭

千里黃腫路。寒亭兩度過。封疆判齊紀。爭戰始澆戈。樹起風中嘯。沙翻月下波。登臺覓碑石。撫字一摩挲。芸臺學使招同馬。秋藥比部徐。惕菴太守顏。運生教授孫。蓮水江定甫。兩文學。小滄浪亭雅集。

渤海方歸日。明湖復見招。荻肥船路狹。柳靜馬聲遙。卷幔心愈闊。看山酒易消。漁洋佳會地。風味至今饒。勝地至已熟。茲來實過常。詩圖堪效呂。序稿合鐫王。自愧秋蠅附。真教夢鹿忘。還家話晨夕。盛事耀江鄉。半城

飯罷青駝寺。行行宿半城。石危窮馬力。谷遠滿車聲。遠樹藏村店。官墩紀客程。抵家期可計。山月伴三更。

紅葉

老杜休吟玉露凋。閒看紅葉過紅橋。轉因霜信添濃麗。誰爲秋山破寂寥。牆角又迷春後眼。江頭時趁晚來潮。衰年庾信悲搖落。到此文章色倍饒。蟹舍漁莊小徑通。寒山如火欲燒空。桃源隱約溪光外。雅墨分明夕照中。何到殘秋纔炫目。不妨幾日又驚風。盈虛無定憑天地。一度飄零一度紅。

落葉

高勢不可住。紛紛辭故枝。委形修竹裏。回首落花時。鶴脰朝留響。蟲窠冷挂絲。隔溪蕭寺外。有客動秋思。

西湖四首

清波門外曉。嫩紅路轉幽。蹊一綫通。野鷗乍飛仙。塔隙寒。龍遙吠。殯宮叢。好探小李臨摹本。還憶髯蘇濬築功。行過六橋煙柳畔。湖光山色總空濛。稽首焚香滿市蹊。三天竺寺禮菩提。樓觀面面山無縫。泉出津津地有臍。巒角殘碑隋創造。巖要老石宋鑄題。此間聞達韜光路。欲向煙蘿帶月躋。文瀾高閣接天衢。澹澹春風繞四隅。屋外鐘聲隨巷曲。簾前苔色著衣無。行從樹杪山俱見。坐對藤陰鳥不呼。萬卷琳琅堪借讀。客中未與故鄉殊。

幾處高峯隔亂雲。西泠橋下碧波分。梅花十畝彌陀宅。柏樹千章宰相墳。石骨似蠶叢遠鹿。櫓聲如雁入殘曛。太平喜逐登臨樂。管領湖山仗使君。

雪後泛舟

錢塘新雪後。放棹入空濛。山水連天白。樓臺出樹紅。寒光動羣鷺。暝色逐孤篷。橋畔林逋墓。年年向晚風。

生日有作

半生何事可追尋。亂緒難教繫寸陰。竟日笑歌良友誼。他鄉起臥老親心。寒山無意隨春綠。旅雁多聲入夜沈。不效文泉作文冢。囊中賸有伯牙琴。

和詩

汪光燾

宛委藏書迹可尋。游踪天許到山陰。六星卻應文昌宿。

二月三日爲文昌神誕日。里堂適與同日。

萬卷能傳博士心。略比坡

仙記紗縠。不徒詹尹問升沈。客窗相對誰知己。只有松弦舊館琴。

里堂善鼓琴。宗松弦館譜。

從芸臺學使按試紹興。和學使呈諸友原韻。

昨佐論文魯道回。之江又聽角聲催。自慚鐵硯空磨盡。且喜雲山飽看來。已信冰心作山立。敢將枯眼隔紗開。鄞中二萬稱先覺。授受從知有異才。

送人歸東吳

錢塘東渡幾聯牀。君見飛花忽憶鄉。風雨一春寒客夢。湖山千里重詩囊。鐘聲隱隱吳城近。帆影悠悠越

水長八月重來共秋禊。海神祠外晚潮涼。

湖州弔吳園次太守

髯蘇之後見先生。魚鳥江湖老性情。百畝蒲蓮鄰赤岸。三年冠蓋客烏程。先生以康熙四年守湖州七年罷道場山遠浮秋舫。墨妙亭空弔晚鶯。賴有詩詞著遺迹。故園回首鍛煙橫。

舟宿富陽和蔣竹塘孝廉調韻

新詩吟罷筆無停。此地先生憶昔經。遠水下如心脈脈。秋山疎共髮星星。三更夢短潮催急。一里舟連火露青。明日鷺絲灘上去。江流多少喚人醒。

七里瀨登子陵釣臺

夾岸曉煙開。清晨泛棹來。嶂隨舟尾合。波讓石根回。纜影爭飛鳥。灘聲覺遠雷。雪泥誰有跡。惆悵子陵臺。

出七里瀨行建德道中

十里出嚴瀨。高寬見地天。水奔當石立。山遠入窗全。回望但煙霧。遙詢得市廛。黃昏大羊鋪。燈火百家連。

過蘭谿至羅菡灘

曉發蘭谿邑。灘流淺若斯。寸途移病屐。衆力嘯狂鷗。利涉見來者。畏難呼左之。誰家樂秋穫。碓齒聽遲遲。

過帽頭灘至龍游

潭深舟力通。此際樂無窮。野塔亂帆白。枯山分樹紅。閒心寄灘鷺。暝色帶秋虹。爲念親身健。搖搖短夢中。

人日立春。汪比部對琴先生。樓會郡中諸老輩賦詩。屬余步韻。

綠楊春接兩家宜。吹到晴光澹碧滋。華髮正簪諸子勝。草堂已滿故人詩。幾年憔悴慚佳節。前輩風流稱盛時。四海融融開壽域。更誰甘學病支離。

丁巳十二月。立春前一日。小集。李冠三。周南。寸草齋中同詠者十三人。

竟日泥鉛槧。不如擎酒杯。友朋懷新舊。歲月忽遲回。寸草齋方葺。寒梅花正開。有懷分動息。誰剪北山萊。
快園雅集詩

廿年困行役。慚附入仙羣。譚藝各心得。問名皆昔聞。古今存勝地。聚散感浮雲。奮爲主人醉。蒼蒼曙色分。
秋夕晚靜閣聽琴

琴聲在高閣。秋弦生孤春。傾聽亦饒客。幽寂如無人。叢蕉戰紅粟。老梧成碧鄰。隔窗罷碁局。爭念非天真。
題吳縣孫蔚堂花南老屋填詞圖并懷李尙之

昔日秦淮水。三年異淺深。花南老詞客。秋邸獨相尋。示我讀書處。有人同素心。尙之近多故。莫對作哀吟。
歲乙卯。熊柱卿邀同人於塔影園。爲文酒之會。今三年矣。柱卿復修前事。人倍於昔。而舊日同人。則

沒者與未至者。居其半。分牋搦管。感慨係之。卽以寄凌二仲子。

塔影湖光竝宛然。浮生何境不雲煙。頓從譚笑生悲思。轉爲交游勝昔年。宿草誰澆當席酒。鯉魚聊寄隔江箋。遙思仲子宣城署。獨把秋豪著太元。

楊都尉大壯移鎮安慶有書來作此以答

手種村邊木冬來綠更深。幾時踐前約。居此共高吟。著述儒生業。功名壯士心。朝廷方重寄。未許入山林。

足痺

生平不食蕨。何故足皸如。人道昔元晏。嘗因痿著書。餓躬糾過切。擁被入思徐。莫向村鄰說。衰親老病餘。

燕磯阻風

幾日石尤風。蕭蕭蘆荻叢。揚州在何處。愁望白波中。游興昨猶動。歸心客盡同。誰能如燕子。飛到蜀岡東。

同作

葉覲廷

燕子磯邊泊。檣鳥一望中。無端三日住。猶幸幾人同。高嶺銜西日。空江卷北風。游蹤隨地轉。漫道不如蓬。

辛酉元旦登吳山第一峯

今年弟一日。來登第一峯。春光何地早。客興此時濃。風協卜秋熟。浪恬銷海烽。吾家世耕讀。願作太平農。

和詩

李銳

吳山最高處。杖策試登臨。活水自空闊。浮雲成古今。與君一載別。同抱百年心。展卷殷勤讀。深情寄短吟。

景物憑詩寫。江天本畫成。深情生遠眺。雅抱在躬耕。憐我今爲客。頻年住此城。定持登覽意。又闢一春晴。

陳鴻壽

絕頂捫蘿上。君真弟一流。胸中春自滿。天際客同游。寒雨殘年盡。晴煙曉郭浮。東西覽湖海。別有最高樓。

羅永符

直上三千級。同遊六七人。雲開滄海日。香透古梅春。臘雪殘年盡。晴光早歲新。會當費蠟屐。一臨謝公塵。

許珩

不知春意早。臨眺自欣然。湖海來新色。風光隔舊年。豪情千嶂上。詩思百花前。我亦頻登覽。輸君一日先。

阮亨

直上吳山頂。誰爲弟一流。歲知殘臘盡。人喜最高游。眼底春如海。空中日滿樓。今年詩思早。梅放百花頭。

題范賜湖廣文松下采菊圖

東閣梅初放。金陵草正芳。一官從昔冷。三徑豈全荒。眼有詩書讀。心同古木長。和光開霽月。皎志烈清霜。把酒學彭澤。結亭追道鄉。隨時怡性命。無事決行藏。短髯侵秋老。疎巾覺露涼。何人識幽意。繪此境蒼蒼。

王江涇

十里王江汎。當年有戰塵。將軍方殺賊。宰相已譏人。落月平橋夜。開花野市春。可憐戚少保。猶要媚廷臣。登雞鳴埭。歸舟自蓮花橋。步至地樓。與兒子廷琥聯句。得十韻。

纔過鷄鳴埭。還來上地樓。予塔雲行漸逼。徑竹轉偏幽。曉叢木夕陽晚。遠巒孤寺秋。予到門鐘正永。拂檻霧初收。曉坐久不忍去。愛深忘別游。予此真絕巖俗。誰信在城陬。曉結伴得佳興。同汪張諸君思親生舊愁。己亥隨先人游。地形今始識。風景昔應留。曉茶舍坐茅屋。歸途乘小舟。予家家燈火出。人影聚橋頭。曉

送汪孝嬰之六安

君勢未可住。驢車催客程。才爲一月聚。又作六安行。握手更何日。著書難獨成。寸懷言不盡。相對且無聲。同孫蓮水遊龍井。遂至理安寺。

數載杭州客。初來看石泓。閣前雙澗合。樹杪一湖明。跡數遙村虎。煙寒古壁鐙。問僧最幽處。指點越山行。路從峯頂下。山在樹中寒。見寺入修竹。過橋分淺湍。石邊樵語細。霜後茗花殘。更結何時約。同來坐翠巒。題安定書院壁

千里歸來乍。息肩敞裘猶帶武林煙。韶光廿載眞虛過。學舍三間且醉眠。窗外寒枝增幻影。予壬寅有題壁詩云。驚

人似鬼。舊時同舍生顧超宗。園香夢中亡友認當年。山王東山今俱已下世。霜花滿地雞鳴夜。回首何人懶著鞭。

張古愚太守敦仁。招同趙味辛司馬。何蘭士太守。孫淵如觀察。暨江子屏。汪孝嬰。李濱石。雨中泛湖。夕飲於倚虹園。

冷雨侵人未減歡。一舟來往興無端。豈緣太守襟懷放。只爲名流聚會難。自愧獨無珠在握。也來同喚酒頻乾。要知政簡庭無訟。莫當紅橋禊事看。

堰頭遇談階平

渡河已三日。驅車到堰頭。故人一相見。聊慰客中愁。夜語入殘夢。春寒失敝裘。此行意宜奮。莫當作依劉。

劉智廟有序

廟中神問土人莫知誰何。按晉志武帝時侍中平原劉智。嘗改黃初術。今廟所在。正古平原地。爲祀侍中無疑。詩以表之。

絕學人知少。荒祠晉侍中。若非名不朽。何以祀無窮。野店三更月。征車五夜風。史書誰徧讀。乾象獨劉洪。

任邱道中

任邱北去水成湖。昨歲懷襄警帝都。寺破靈神愁夜雨。村墟老馬感歸途。喜看麥氣浮郊甸。忍見鳩形集市衢。共沐聖朝天子德。頻施饘粥勝醍醐。

題闌中壁

壬戌三月十四日

兩髻蕭疎已欲霜。才來京國學觀場。文章未解趨風氣。祿命惟知聽顯蒼。夢裏歸心縈故里。燈邊夜語集諸方。卷簾已是三更後。月影如金上棘牆。

崇效寺看花

古刹稱幽僻。閒來駐小車。已過三月半。才見一林花。僧老面如木。藤枯影作蛇。登樓望郊麥。翹首莫思家。

同鄭柿里兆珏劉芙初嗣綰唐竹虛篁汪珊樵朝黼游釣魚臺

古臺負幽致。結伴出西城。柳外遠山影。駝邊春水聲。風高宜席地。興至亦飛觥。座有能歌者。喑鳴作劍鳴。

贈別汪珊樵

同里復同志。四十始相親。離別在明日。笑言止一春。深情徵古誼。醉語入天真。此況不肯釋。泱泱馬足塵。

鄭州

春從鄭州過。又向鄭州歸。水溢市魚賤。年荒官樹稀。車聲愁遠道。帽影逐斜暉。尙未全雞德。何年始息機。

與朱椒堂月下聯句二首

木葉蕭蕭下。爲弼官齋秋已深。倚闌對寒月。循聽角多清音。爾我同爲客。弼行藏共此心。誰人足千古。循但感歲華侵。弼

相聚亦無定。循萍踪信所遭。思家還久立。弼論古欲長號。燈影短猶黑。循雁聲鳴漸高。傲霜殘菊在。弼微醉鼓餘豪。循

效四靈體

詩派應教重永嘉。吟來春已到村家。山溪暴長知融雪。野草初生認種花。日力且憑閒處惜。虛名休向眼前誇。連朝社酒忘賓主。扶醉歸來日未斜。

吾無

吾無芻牧責。水旱不須論。農叟泣無食。江湖喜到門。嘉禾亦已沒。隴畝尙知存。莫管馮夷怒。臨流看月痕。

蟹

相習不知味。只今方穰然。猶之秋雨後。卻是荻花邊。旅食懷千里。還家又一年。持螯誰吏部。風尙合歸田。

共放

小舟如一葉。共放八村南。無意逐煙水。偶然來野菴。滿天生雨意。半日得僧談。興盡速歸去。閒游亦戒貪。

汪孝嬰訪予湖中喜而有作

秋水久圍屋。故人何處來。隙蟲鳴未已。籬豆正花開。不覺遂三載。相看且一杯。馬嘶人欲去。怪是夕陽催。

今歲

今歲纔知此是家。匆匆誰道惜年華。蟹肥便結空中沫。葵老猶開肆上花。結習未能忘筆硯。機心時許入煙霞。汝墳豈爲閒民賦。但笑周髀意太奢。

百尺梧桐閣爲汪小魯作有序

蛟門比部以百尺梧桐名閣。荒廢售他姓久矣。小魯之高祖適園孝廉與比部爲兄弟。小魯今讀書處。亦兩桐甚修。以昔名署之。

年年看種樹。幾處長風煙。高閣豈殊昔。雙桐正屹然。達人知有後。座客且無前。變化誰能定。長懷馬訟篇。

驚

從來多道爾。果是聽來頻。弄影恰宜柳。鳴春解街人。門前芳草暗。陌上女歌新。野老怪多事。殊堪見性真。

郭公

豈無百夫長。何用爾催耕。未曙舌已瘁。方春農不驚。稻粱爭貴賤。桑柘雜陰晴。我願如農圃。關心聽此聲。

與汪孝嬰登泰州望海樓

泰州余至十三次。今日登樓得共君。屈指二十七年過。盛衰生死如煙雲。西望圖山青似髮。東觀滄海淨無氛。與君高唱皇華曲。城外野田嘶馬羣。

夕陽

共道夕陽好。晚來晴更宜。才明半灣水。已上最高枝。雨腳逐雲去。虹頭飲澗遲。人情知易厭。不肯駐多時。

湖村

湖村足棲止。兩歲覺秋清。霜肅葉還綠。吟高鳥不驚。競心緣病息。衰髮逐秋生。只願親身健。年荒亦太平。

惡竹

蕙竹斬不盡。今年生更多。甚妨花入眼。不見月成波。亦有雲霄意。其如鷹獮何。又憐相蓄久。自怨亦蹉跎。

哭殤孫貴齡

比到童烏事亦虛。眼前恨淚忍徐徐。一家歡笑皆憑女。幾日悲傷孰慰余。況是老親扶病日。不堪荒歲輟耕餘。秋風燐火黃昏月。望爾魂歸就我居。

己巳仲秋楊竹廬都尉過半九書塾小飲明日作此乞和

喜迓高軒過水濱。一年情事幾芳辰。寒潭映月成雙壁。老樹經霜作半人。病骨嶙峋難縱酒。秋天寥廓共垂綸。宵來又動迎詩興。要學松陵互主賓。

庚午九月二日竹廬都尉邀往誦芬莊看桂

都尉相招過水莊。半天風雨近重陽。心當閒後能多味。花到秋深更有香。白酒黃雞人共醉。髣髴絲禪楊夢初長。功名千古知誰識。莫道狂夫似點狂。

登雕菰樓有作

開窗但楊柳。坐久身不知。驚起入煙盡。牛鳴卽澗遲。閒心變書史。病骨識天時。昔日張公子。猶存千首詩。

風雨破蕉葉作七言唁之

斜風猛雨夏成秋。籬外芭蕉綠正抽。一一上如官進級。絲絲解似刃屠牛。豈因渭長彈文妒。不爲山僧寫字留。聞道太剛容易折。如君神致本清柔。

白菊

陶令東籬下。幽香此未更。態常惟避日。開後欲銷爭。葉葉得天意。年年只自生。聊將一樽酒。坐對夜霜清。

答友人

病軀無賴豈逃名。慚愧嵇康論養生。籬下月無須貨買。山中學必仗書行。結菰爲筏供春嘯。種柳成衙待早鶯。莫謂東西未能辨。孤高原不似逢萌。

閒吟

多事勞勞閱古今。偶拋書卷學閒吟。橫窗老竹間新竹。喚曉春禽變夏禽。好共農夫課晴雨。不須詹尹卜升沈。餘生又是三年過。壁上無弦舊有琴。

階下決明盛開。偶得一律。

翠羽金錢又幾年。柴門寂寂閉朝煙。那知小草曾如許。得遇詩人亦偶然。藉卉不從周僕射。書名已謝李平泉。杜陵老去神應在。秋雨誰吟第一篇。

坐

閉戶坐終日。豈知情僞真。跡間心有古。地遠客無人。亂石得生意。野花成好春。苦吟今不肯。隨興傲東鄰。

偶然

窮古鬱不得。拋書向曲廊。石紋隨雨見。柳杪得秋強。轉以榔聲靜。因教午夢長。偶然成小賦。何用擬長楊。

鷹

有爾便愁人。平原不見春。無情長作勢。欲擢故藏身。化育惟天地。威嚴亦鬼神。可憐凡燕雀。肅羽向荒榛。
塾中海棠自戊辰開後。四五年不花。癸酉春三月盛開。光豔照人。花老矣。恐發洩太過。明歲又將不。
花。流連不已。記之以詩。

尙擁羊裘小檻邊。燕支萬點恰當筵。坐看春盡如殘臘。且喜花開勝舊年。夜雨關心頻起早。野桃生妒莫爭先。同心只有丁香結。慚愧霜毛欲墮顛。

村居五首

交疎緣地僻。俗巧亦天真。酒待明年客。橋行昨日人。鼓聲村社晚。帆影漕舟春。偶爾登樓望。知吾在水濱。
亭高春蕩漾。廊淨月分明。鳥習客猶近。花疎雨亦輕。撫弦忘舊曲。翻史識稀名。鄰里時來醉。鰕魚可作羹。
情性人爭怪。年來未盡除。禱神生病樹。賣米益奇書。果誘難孫讀。蔬分老婢鋤。衣裳常不整。謫僊更何如。
時時窮易理。日日對名花。思苦家人笑。庭空衆鳥譁。寸陰憐白髮。多病羨丹砂。與義何年盡。吾知亦有涯。
病已如皇甫。元才效子雲。簿書仍素志。麋鹿豈同羣。消息參時物。辛勤述聖文。唯憐陸魯望。撫辨有誰聞。

後村居五首有序

友人謂余閒逸。學陸魯望之爲人。作前詩白之。友人仍不喻。復爲此詩。
但習山中性。村居異市城。雨餘春尙在。樹過月逾明。徑表參差綠。蛙更遠近聲。門前諸亞旅。報道已深耕。

豐歉隨天意。無人且閉門。晝長侵墨短。風靜覺花喧。食李笑陳仲。登高讓伯昏。讀書非外鑠。何事不窺園。自以書成癖。不因身病閒。思融真得第。義隱勝投艱。風艇折如澗。煙林遠當山。放懷馳倦目。頓爾破元關。板牀終日坐。條是十年秋。綴石瘦於草。種梧高過樓。經才能不滯。吟已若成囚。幾欲告知己。書臧又自收。絕學共誰語。方將怪我癡。思經千度變。故未一豪持。曉月雞鳴候。春燈鼠鬪時。鬼神正來告。此境少人知。王黃州以錦帶花名不雅馴。改曰海仙。余植數本。今年盛開。錦帶之名尙矣。斥之爲俗。未以爲然。詩以解之。

名貴真能勝海棠。千秋知己未茫茫。卻看居士衫邊色。又道仙人海上妝。短插竹籬扶燦爛。用淮雨伴橫洋。楚辭橫洋而不可帶。王逸讀仄。然太元淵橫洋。包無方。讀平。朝來正檢昭明集。書味花光雨不妨。

哭鄭柿里舍人

不意凋零又見君。初聞涕淚落紛紛。空令趙壹思宜孟。更有何休識伍員。昏嫁未完兒女事。丹黃空著漢唐文。一尊遙向青冥酌。愁問江東日暮雲。

野外

攤書几上任縱橫。策杖閒從野外行。柳樹一年高一尺。人家三世已三更。夕陽黃葉蕭蕭下。秋水烏蘆緩緩撐。興到忽然思作吏。欲將蘿薜易簪纓。

僕素少交游。邇年家處尤多疎闊。昨歲聞武進戚上舍卒於京師。今又接歙縣孝廉方正程先生訃。

愴然久之。率成二首。

臧上舍庸

同輩推君弟一流。南樓別後遂千秋。真人昔有徐無鬼。儒行誰如許散愁。只以詩書爲性命。絕無城府在交游。招魂欲到燕臺去。幾度臨風淚未收。

程孝廉方正瑤田

九十經師老伏生。立言能令孔書明。高糧辨後纔知稷。磬折懸時果中衡。俗眼自驚爲創論。後人宜奉作先程。春空靄靄春雲暖。想見須眉物外情。

放船一首。丙子秋分日作。

田苗爛盡水盈湖。石外閒花興不孤。紫瓣疊開秋勺藥。赤須倒捲山茨菇。紙窗日入暑猶灼。木榻蟲來夜有呼。且自放船煙雨際。好尋漁子話菰蘆。

詠茄

酪酥嘉味滿秋畦。爛煮登盤日未西。座上無僧誰畏鼠。山中有客且烹雞。鄉風自昔鮭爲菜。幻想何堪稻作齋。莫怪田間多寂寞。昆侖曾綴紫瓜題。

製棺成詩以落之。

生憎蠅蚋怕狐狸。羣葬王孫亦過奇。無分驅場依馬革。何人江水學鴟夷。瓜犀蕉節徒增慨。白髮青山自

生憎蠅蚋怕狐狸。羸葬王孫亦過奇。無分疆場依馬革。何人江水學鸕。瓜犀蕉節徒增慨。白髮青山自有詩。豈是司空能作達。吾生如寄總如斯。

至後有序

自去歲以來。未曾作詩。偶有所興。半月始成。時戊寅十二月十八日。

至後剛三日。陽添幾髮程。劇藤寬樹縛。埽秫罷雞爭。閉戶久無客。吟詩半不成。夜來風雨逼。高枕聽寒更。

己卯除夕枕上作

夢中親友未凋零。笑語方溫夢又醒。髣髴雪半因陳籍白。眼花時共遠山青。烈風窗外鳴鴉鵲。活火鑪邊煮朮苓。且喜雛孫初學詠。吟聲不與歲華停。

開窗

開窗及清曉。起坐碧軒東。看雨飛天外。招春入座中。硯和催墨易。梅老作花紅。昨夜家書至。慈親樂正融。

